

ЙЎЛ ҲАРАКАТИ ХАВФСИЗЛИГИ:

масъулият ва
мажбурият



Чемпионнинг
онаси билан суҳбат


Космосга
жўнатишган
қовунлар



Дўмбирани чертган билар...



БУЮК ВА МУҚАДДАССАН, МУСТАҚИЛ ВАТАН!



Абдувоси ҲАЙДАРОВ олган сурат.

Куни кеча республикамизнинг барча олий таълим муассасаларида кириш имтиҳонлари бўлиб ўтди. Бу йил синовга яхши тайёрланган ва ўз билимига ишонган 56 607 нафар ўғил-қиз олий ўқув юртининг бакалаврият босқичи талабасига айланади. Уларнинг 19 560 нафари давлат гранти асосида ўқиш бахтига муяссар бўлса, 37 047 нафари шартнома бўйича таълим олади.

“ОБУНА — 2011”

Индекс:

Якка обуначиларга — 176,
Ташкилотларга — 177



“Оила ва жамият”ни ўз оиласининг яна бир ҳақиқий аъзоси сифатида қадрлаб, биз билан ҳамфикр, ҳаммаслак бўлиб келатган муҳтарам муштарийлар! Унутманг, газетамизга обуна йил бўйи давом этаверади.

Ушбу сонда:

Биолар лойиҳаси ёнгин хавфсизлиги талабларига жавоб берсин!	2
Самандар саламандрами?	4
Мозий билан сирланган аёл.....	5
Мақтов ярашади Ўғилхонга.....	5
Яхши сўз агёрни ёр айлар	6
Раҳбар қонунни бузса.....	7
Ойнинг ёруғ томонидан янгиликлар.....	7
Боксчиларимиз дунё	
рейтингида тўртинчи	8
Энг кучли гуруҳамиз.....	8

Мақсадимиз — эл манфаати

“Нодавлат нотижорат ташкилотлар ҳозирги кунда демократик қадриятлар, инсон ҳуқуқ ва эркинликлари ҳамда қонуний манфаатларини ҳимоя қилишнинг муҳим омилига айланмоқда, фуқароларнинг ўз салоҳиятларини рўёбга чиқариши, уларнинг ижтимоий, социал-иқтисодий фаоллиги ва ҳуқуқий маданиятини ошириш учун шароит яратмоқда, жамиятда манфаатлар мувозанатини таъминлашга қўмаклашмоқда.

(Президентимизнинг Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясидан)

Агар эътибор берган бўлсангиз, Сирдарё вилоятининг мўъжаз шаҳар ва қишлоқлари кўчаларида ёнига “Соғлом авлод учун” деган ёзув битилган тиббий хизмат машинасини тез-тез учрата-сиз. Олти кишидан иборат бўлган кичкинагина жамоамиз вилоятдаги турли йўналишдаги тадбирларда фаол иштирок этиб, саховатпеша ҳомийлар ёрдамида 2 миллион 770 минг сўмлик маблағ хайрли мақсадларга сарфланди.

Жамғарманинг вилоят бўлими қўмағида туғма нуқсонли сайхунбодлик Каромат Бектошева Тошкент тиббиёт академиясига қарашли стоматология клиникасида тўрт босқичда бепул операция йўли билан даволаниб чиқди. Шунингдек, Гулистон туманида 2007 йил туғилган Ш. Фаниев ҳам жамғарманинг беминнат ёрдами туфайли бепул даволанмоқда. 53 ёшли 3-гурӯх ногирони, Гулистон шаҳрида яшовчи Жаннатой Йўлдошеванинг икки фарзанди тақдир тақозаси туфайли дардманд, уларга ҳам бегараз ёрдам кўрсатилиб, бепул дори-дармонлар билан таъминлашда яқиндан қўмаклашиляпти.

Шу йилнинг олти ойи давомида 20 нафар бемор бола жанубий корейлик, 16 нафари германиялик малакали мутахассислар кўригидан ўтказилиб, улардан бир нафари Кореяда, бири эса Германияда даволаниш учун юборилиши режалаштирилган. Йил бошидан бери муро-



жаат этган 154 нафар фуқародан 152 нафарининг аризаси қаноатлантирилди.

Тиббий-ижтимоий патронаж тизими жамғармамиз фаолиятининг асосий қисмини ташкил этади. Бу тизим Ўзбекистон Республикаси Вазирлар Маҳкамасининг 1996 йилдаги 71-сонли қарори билан тасдиқланган махсус дастурга асосланган бўлиб, оилаларнинг ижтимоий шароити, психологик муҳити, оила аъзоларининг соғлиги ва, айниқса, туғиш ёшидаги аёллар, болалар, ўсмирлар ва қарияларнинг саломатлигини ўрганиш, тиббий ижтимоий, психологик ёрдам кўрсатиш, ҳуқуқий муҳофазага муҳтож инсонларни ўз вақтида аниқлаш, ҳар бир хонадонда соғлом турмуш тарзини шакллантириш бўйича чора-тадбирларни амалга оширади. Айнан шу йўналишга мувофиқ вилоятдаги соғлиқни сақлаш муассасалари билан узвий ҳамкорликда 8612 нафар ижтимоий ҳимояга муҳтож аёл, бола ва ўсмирлар тиббий кўрикдан ўтказилди. Қолаверса, вилоятнинг чекка ҳудудларида истиқомат қилувчи 436 оиланинг тиббий-ижтимоий ҳолати ўрганилиб, керакли мурувват ёрдамлари кўрсатилди. Жами 19 та қишлоқнинг 44 та маҳалласида ана шундай хайрия тадбирлари ўтказилди. Бунда кўпроқ туғиш



ёшидаги аёллар саломатлигига жиддий эътибор қаратилди. Текширувлар асосида 5841 нафар кишиларда турли касалликлар борлиги аниқланди. Айниқса, қон ва қон ҳосил қилувчи органлар касалликлари (аёлларда 1441 нафар ёки 24,6 фоиз, болаларда 1190 нафар ёки 29,5, ўсмирларда 605 нафар ёки 29,1 фоиз) мавжудлиги қайд қилиниб, профилактик ва биринчи ёрдам хизматлари амалга оширилди. Умумий ҳисобда 2989 қўти, 19500 дона дори-дармон, 2319 дона гигиеник воситалар, 2973 дона тиббий воситалар, 3260 дона тиббий қўлланма ва тарқатма материаллар нусхалари кўринишида хайрия ёрдами ҳам тарқатилди.

2010 йили Сирдарё вилоятида очилган Скрининг маркази Президентимизнинг 2008 йил 18 июндаги “Болаликдан ногиронларни барвақт аниқлаш дастури тўғрисида”ги қарори ижросини таъминлаш борасида ногиронлиқнинг олдини олиш бўйича аниқ тахислар билан фаолият юритишга қўмаклашмоқда.

Воҳамизнинг чекка ҳудудларида ҳам тарғибот-тушунтириш ишлари олиб борилмоқда. Аёлларнинг репродуктив саломатлигини мустаҳкамлаш йўлида кенг қўламли чора-тадбирларни амалга оширишда яхши натижаларга эришилаётир.

Эътиборли жиҳати, бўлигимиз вилоятдаги барча давлат ва нодавлат ташкилотлар билан ижтимоий ҳамкорликда изчил фаолият олиб бормоқда. Айниқса, ОИТС/ОИВ ва гиёҳвандликка қарши кураш мавзусига бағишланган “Соғлом турмуш тарзи” ҳамда репродуктив саломатликка доир жонли мулоқотлар кўпчиликда катта қизиқиш уйғотди.

Буюк истиқлолимизнинг тарихий 20 йиллигини ёрғу юз билан қўтиб олаётган ҳуқуқматга қарашли бўлмаган “Соғлом авлод учун” хайрия жамғармасининг вилоят бўлими жамоаси фурсатдан фойдаланиб, барча юртдошларимизга сиҳат-саломатлик тилайди.

Юлдуз УСМОНОВА,
Ҳуқуқматга қарашли бўлмаган
“Соғлом авлод учун” халқаро
хайрия жамғармаси вилоят
бўлими директори.

ОГОҲ БЎЛИНГ!

сифати, қўлланиш шартлари билан камдан-кам одам қизиқади. Оқибатда, ишлаб чиқариш ёки бошқа махсус бино ва иншоотларга мўлжалланган ашёлар ошонангиз, меҳмонхонангиз ва ётоқхонангизни беэаб туриши мумкин. Улар ёнғин вақтида ўзидан инсон ҳаёти учун хавфли захарли моддалар чиқариши ва қутқарув ишларини қийинлаштириши, ҳатто одам ҳаётига зомин бўлиши ҳеч гап эмас.

Ёнғин фалокатидан 100 фоиз ҳимоялашиш имкони йўқлиги боис кўп хонали, ҳашаматли биноларда ёнғинни пайкаш ва автоматик хабар қилиш қурилмаларидан фойдаланиш ўта муҳим. Сўнгги йилларда шахсий уйларида ҳам шундай мосламаларни ўрнатиш истагидаги одамларнинг қўпаяётгани қувонарли хол. Бундай қурилмалар замонавий дизайнга эга бўлиб, уйингиз ҳуснига ҳусн қўшиш билан бирга, ёнғин тўғрисида нафақат товушли дарак беради, балки хабарни тармоқ орқали махсус хизматларга, хаттоки қўл ёки хизмат телефониингизга юбориши мумкин.

Юртдошларимиз бу борада Давлат ёнғин хавфсизлиги хизматининг жойлардаги органларига мурожаат қилиб, малакали мутахассисларнинг тегишли маслаҳатларини бепул олса бўлади.

Жаҳонгир РАҲИМЖОНОВ,
Ўзбекистон Республикаси ИИБ
Ёнғин хавфсизлиги
Бош бошқармаси муҳандиси,
катта лейтенант.

ШУ СОНГА ХАБАРЛАР



Ишчи гуруҳи сайланди

Ўзбекистон Хотин-қизлар қўмитаси ташаббуси билан республикамизда фаолият кўрсатаётган айрим нодавлат нотижорат ташкилотлари ҳамкорлигида йиғилиш бўлиб ўтди. Унда сўзга чиққан Ўзбекистон Республикаси Бош вазирининг ўринбосари, республика хотин-қизлар қўмитаси раиси Э. Баситхонова рамзий маънода “учинчи сектор” деб номланувчи ташкилотлар фаолиятини мувофиқлаштириш бўйича ҳамкорлик дастури лойиҳасининг асосий мақсадлари билан тадбир иштирокчиларини таништириб, сайланадиган ташаббускор ишчи гуруҳи Тошкент шаҳар туманларидаги хотин-қизлар қўмиталари билан ҳамкорликда тўртта йўналиш бўйича фаолият юритишини алоҳида таъкидлаб ўтди.

Шундан сўнг йиғилишда ҳамкорлик дастури лойиҳаси муҳокама этилиб, ташаббускор ишчи гуруҳи раиси ва аъзолари сайланди.

Ўз мухбиримиз.

Жамоатчилик назорати ва ОАВ

Пойтахтимиздаги “Shodlik Palace” меҳмонхонаси мажлислар залида Ўзбекистон мустақил босма оммавий ахборот воситалари ва ахборот агентликлари йўл кўлаб-қуватлаш ва ривожлантириш жамоат фонди ташаббуси билан “Давлат ҳокимияти ва бошқаруви органлари фаолияти устидан жамоатчилик назоратини таъминлашда ОАВнинг ўрни ва аҳамияти” мавзусида илмий-амалий анжуман бўлиб ўтди.

Тадбирда Олий Мажлис Қонунчилик палатаси депутatlари, Адлия вазирлиги, Нодавлат нотижорат ташкилотлар миллий ассоциацияси, “Маҳалла” жамғармаси вакиллари ҳамда марказий нашрларнинг журналистлари ва Навоий, Бухоро вилоятлари босма ОАВ ходимлари иштирок этишди.

Республикамиз мустақиллигининг илк кунлариданоқ бир томондан — давлат идоралари, ҳокимиятнинг барча бўғинлари фаолиятини демократлаштириш, иккинчи томондан — мустақил ва барқарор фуқаролик жамияти институтларини шакллантириш ва босқичма-босқич ривожлантириш бўйича тизимли чора-тадбирлар амалга ошириляпти. Натижада, бугунги кунда республикамизда 5,2 мингдан зиёд нодавлат нотижорат ташкилот, 1,2 мингдан кўпроқ ОАВ ва 10 мингдан ортиқ фуқаролар йиғинлари фаолият юритапти.

Анжуман иштирокчилари таъкидлаганидек, Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида илгари сурилган гоя ва ташаббуслар оммавий ахборот воситалари фаолиятини кучайтириш, давлат ҳокимияти ва бошқаруви органлари ишнинг хосис ва тезкор ёритиш, фуқароларнинг давлат ва жамият қурилишидаги фаол иштирокини таъминлашга хизмат қилади. Шунингдек, ОАВнинг давлат ҳокимияти ва бошқаруви органлари билан алоқаларини мустаҳкамлайди.

Тадбир давомида “Ўзбекистон Республикасида жамоатчилик назорати тўғрисида”ги қонун лойиҳасини тайёрлаш жараёнида қайси жиҳатларга алоҳида эътибор қаратиш зарурлиги бўйича аниқ тахлифлар билдирилди.

Мадина АЛЛАБЕРГАНОВА,
«Оила ва жамият» мухбири.

Ўт балосидан

2011 йилнинг ўтган 6 ойи давомида республикамизда 5750 та ёнғин ҳодисаси қайд этилган бўлса, шундан 3649 таси ёки 81,5 фоиз аҳоли турар-жойларига тўғри келади. Олдинги йилларга назар ташласак ҳам, ёнғинлар сонининг асосий қисми аҳоли турар-жойларида рўй берганига ғувоҳ бўламиз. Асосий сабаблар эса иситиш уснуналари (печлар), электр жиҳозлари, очик оловдан фойдаланишда хавфсизлик талабларини бузиш ва ёш болаларнинг шўхлигига бориб тақалмоқда. Аммо бугунги мақоламизда бошқа бир сабабга, биноларни лойиҳалаш ва қуриш жараёнида ёнғин хавфсизлигини инобатга олмаслик масаласига тўхталмоқчимиз.

Бугунги кунда республикамиз барча гушаларида замонавий архитектура ва дизайн тамойиллари асосида, киши ҳавасини келтирадиган уй-жойлар қад ростламоқда. Лексин масаланинг бошқа томони ҳам бор, ушбу турар-жойларда ёнғин хавфсизлиги қай даражада таъминланган? Амалдаги меъёрий ҳужжатларга биноан, аҳоли турар-жойлари ва ёрдамчи мақсадлар учун мўлжалланган объектлар қурилиш ишлари тағаллангандан сўнг маҳаллий ҳукумат ва ўзини ўзи бошқариш органи томонидан тайинланган, таркибига мажбурий тартибда мулкдор, архитектура органлари ва

асрасин!

якка тартибдаги қурувчилар киритилган ҳайъат томонидан кўздан кечирилиши, муаммолар аниқлиниб, жойида ҳал этилиши зарур.

Уй-жой лойиҳасида унинг атрофдаги бино ва иншоотларга нисбатан жойлашуви, ёнғинга қарши оралик масофалар инобатга олинмаётган ҳоллар ҳам учраб турибди. Бу эса бахтсиз ҳодиса туфайли етадиган моддий ва маънавий зарарнинг бир неча баробар ошириб юборади. Бир уйда содир бўлган ёнғин атрофдаги турар-жойларга ҳам тезда тарқалиб зиён етказди, оқибатда, қўшнилар орасида низо келиб чиқади. Ҳўш, бундан қайси томон манфаатдорми?

Шунингдек, маҳаллалардаги махсус сув хавзаларини узокни ўйламасдан ҳовлисига қўшиб олиш, йўлларга сўний тўсиқларни ўрнатиб ташлаш ҳолатлари ҳам учрамоқдаки, маҳалла фаоллари ва мутасадди ходимлар ҳам уларга кўз юмиб келишаётир. Аҳоли турар-жойлари қуриш мақсадида ер ажратилаётганда ёнғинга қарши ҳовуз учун жой қолдириш, йўлларни режалаштиришда эса махсус техникаларнинг ҳаракатланиши ва қайрилиб олишини назарда тутиш мақсадга мувофиқ.

Халқимиз қурилиш материалларини асосан бозорлардан харид қилади, аммо

Йилига 1,5 миллион... қурбон

— Холматжон ака, бугун янги қабул қилинган қонунга қанчалик эҳтиёж бор эди?

— Мазкур қонунни тегишли идоралар билан ҳамкорликда ривожланган давлатлар тажри-

Сўнгги йилларда мамлакатимизда йўл ҳаракати хавфсизлигини таъминлаш мақсадида бир қатор тадбирлар амалга оширилмоқда. Жумладан, "Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида"ги Ўзбекистон Республикасининг қонун жорий йил 27 апрелдан расман қуча кирди. Мазкур янгиликлар мазмун-моҳияти ҳақида юрдошларимиздан тушайтган саволларни иноватга олиб, Ўзбекистон Республикаси ИИБ Йўл ҳаракати хавфсизлиги бош бошқармаси бошлиғи, полковник Холматжон Сайдалиевга мурожаат қилдик.

ДОЛЗАРБ МАВЗУ

— Агар ҳайдовчи транспорт воситасини бошқариш вақтида уяли алоқа воситасидан фойдаланса, энг кам ойлик иш ҳақининг икки баравари миқдоридан, бир йил давомида мазкур қонда тақдоран бузилса, уч баравари миқдоридан жарима солинадиган ёки транспорт воситасини бошқариш ҳуқуқидан 6 ойгача маҳрум этилади.

Транспорт воситасини бошқариш ва йўловчилар ташишда хавфсизлик камаридан, мотошлемлардан фойдаланиш қоидаларига риоя этилмаса, энг кам ойлик иш ҳақининг бешдан бир қисми миқдоридан жарима солинади.

Жарима жойида ундирилса...

— Жаримани жойида ундириш механизми қандай бўлади?

— Янги қабул қилинган қонунга асосан ЙПХ инспекторлари томонидан фақатгина энг кам ойлик иш ҳақининг бир бараваридан ошмайдиган жарима ундирилиши мумкин. Бунда тақдорийлиги иноватга олинадиган ҳуқуқбузарликлар учун жойида жарима қўллангани ҳақида ҳайдовчилик гувоҳномаси талониға рўқча билан белги қўйилади.

ЙПХ инспекторлари билан ҳаракат қатнашчилари ўртасидаги мулоқотни имкон даражасида чеклаш, турли хилдаги суиистеъмоқчиликларни, баҳс ва эътирозларни юзга келтирувчи ҳолатларнинг олдини олиш мақсадида жойида жарима ундириш механизмига ўзгартиш киритиш бўйича қонун лойиҳаси ҳам тайёрланди. Ушбу қонун лойиҳасида ЙПХ инспекторларига фақатгина қоидабузар пиёдаларга нисбатан жойида жарима қўллаш ваколатини қолдириш тақлиф этилмоқда.

Жарималарни ундириш ҳақида гапирар эканмиз, шуни алоҳида таъкидлаш жоизки, агарда ҳуқуқбузар 15 кун муддатда жаримани тўламаган бўлса, жарима унинг иш ҳақи ёки бошқа маошидан, нафақасидан ёки стипендиядан мажбурий тартибда ундириб олинади. Агарда ҳуқуқбузар вақтинча ишсиз бўлса ёки унинг иш ҳақи ёки даромадидан жаримани ундириб олишнинг имконияти бўлмаса, бу тадбир суд ижрочилари томонидан амалга оширилади.

Яна бир савол...

— Бундай ўзгаришлар ва қўшимчалар киритишнинг сабаби нима?

— Асосий сабаби олдинги жарима миқдорларининг камлиги ёки оғирроқ жазо турларининг кўзда тутилмагани, шунингдек, фуқароларимизнинг қонунларга нисбатан эътиборсизлиги, уларда жазодан осонгина қутулиш кўникмаси ҳосил бўлгани билан боғлиқ. Унутманг, қонунлар кимнидир жазолаш учун қабул қилинмади, балки йўлларида хавфсизлигини таъминлаш мақсадида чиқарилади. Шу боис мавжуд тартиб-қоидаларга мажбурий яънисидан эмас, юксак масъулият билан амал қилайлик.

Мансуржон РИХСИЕВ,
Республика ИИБ ЙХББ
катта инспектори ва
"Оила ва жамият" муҳбири
Турдикул НОРМАТОВ
суҳбатлашди.

ЙЎЛ ҲАРАКАТИ ХАВФСИЗЛИГИ: масъулият ва мажбурият

баларини ўрганиб чиқиб, мамлакатимиздаги мавжуд бой амалиётга таянган ҳолда қоидабузарликларни чуқур таҳлил қилиш асосида тайёрладик. Маълумотларга кўра, ер юзидан йўл-транспорт ҳодисалари оқибатида йилига 1,5 миллионга яқин киши ҳалок бўлмоқда, жароҳатланганлар сони эса бундан 20-30 марта кўпдир. Қўрилатган зарар мамлакатлар миллий даромадининг қарийб 2-4 фоизини ташкил этади. Бундай талофотларни ҳатто уруш ва табиий офатлар натижаси билан ҳам тенглаштириб бўлмайди. Йўл-транспорт ҳодисалари мамлакат иқтисодиётига ва жамиятнинг маънавий ҳаётига жуда катта зарар етказиладигани сабабли бундай нохуш ҳолатларнинг олдини олиш давлатимиз олдида турган муҳим вазифалардан бири ҳисобланади.

Автобус ҳайдовчиларига...

— Асосий янгиликлар, ҳаракат иштирокчиларига яратилган қўлайликлар нималардан иборат?

— Маъмурий жавобгарлик тўғрисидаги кодекснинг 28 та моддасига ўзгартириш ва қўшимчалар киритилди. Жумладан, 15 та амалдаги нормаларга таҳририй ўзгартиришлар ва ҳозирги кун талабидан келиб чиққан ҳолда 5 та янги норма киритилди. 17 та модданинг санкциясида кўрсатилган жарима миқдорлари мувофиқлаштирилди. Жумладан, йўловчи ташиш билан шугулланувчи автобуслар ҳайдовчиларининг масъулиятини ошириш, оғир оқибатли йўл-транспорт ҳодисаларининг олдини олиш мақсадида кодекснинг 125-моддаси янги тўртинчи қисм билан тўлдирилди. Унга кўра, эндиликда шахарлараро, халқаро йўловчи ташишни амалга оширадиган автобуслар тахографларсиз ёки уларни ўчирган ҳолда бошқарилса, ҳайдовчига нисбатан маъмурий чора кўрилиб, республика миқдорида энг кам ойлик иш ҳақининг уч баравари миқдоридан жарима солинишига сабаб бўлади.

Юк машинаси эгаларига...

Кодексда юк ташиш ва шаткача олиш қоидаларини бузиш бўйича ҳуқуқбузарликлар учун жавобгарлик назарда тутилмаган, бу эса оғир оқибатли йўл-транспорт ҳодисаларини келтириб чиқараётган эди. Шу боис энди кодексда бундай ҳуқуқбузарликлар республика миқдорида энг кам ойлик иш ҳақининг беш баравари миқдоридан жарима солишга сабаб бўлиши белгиланди.

Тегини рухсатномасиз оғир вазили, йирик габаритли, хавфли юкларни ташиш ва юк билан



ёки юксиз ҳолдаги габарит ўлчамлари белгиланган нормалардан ортиқ транспорт воситаларида йўлга чиқиш, худди шунингдек, рухсатномада кўрсатилган ҳаракат йўналишидан четга чиқиш фуқароларга энг кам иш ҳақининг ўн баравари миқдоридан жарима солишга ёки транспорт воситасини бошқариш ҳуқуқидан олти ойгача маҳрум этишга, юк ташиш учун масъул бўлган мансабдор шахсларга эса энг кам иш ҳақининг ўн беш баравари миқдоридан жарима солишга сабаб бўлади.

Тезликни оширганга...

Шуни алоҳида таъкидлаш лозимки, бундан буён ҳаракат тезлигини ошириб юбориш учун жавобгарлик суръатнинг даража-миқдорига қараб белгиланади. Ҳайдовчи белгиланган ҳаракат тезлигидан соатига 20 километргача бўлган катталиқда ошиб кетса:

• биринчи гал энг кам ойлик иш ҳақининг бир баравари миқдоридан,

• бир йил давомида иккинчи бор тақдорланса – беш баравари миқдоридан,

• учинчи марта тақдорланса, ўн баравари миқдоридан жарима ундирилади ва транспорт воситасини бошқариш ҳуқуқидан бир йил муддатга,

• суръатни белгиланган меъёрдан соатига 20–40 километр ошириб юборса:

• биринчи гал энг кам иш ҳақининг беш баравари миқдоридан,

• бир йил давомида иккинчи бор тақдорланса – ўн баравари миқдоридан жарима ундирилади ёки транспорт воситасини бошқариш ҳуқуқидан бир йил муд-

датга, • учинчи марта тақдорланса, икки йил муддатга маҳрум этилади;

Белгиланган тезликдан соатига 40 километрдан ошириб юборса:

• биринчи гал энг кам иш ҳақининг ўн баравари миқдоридан жарима солинадиган ёки транспорт воситасини бошқариш ҳуқуқидан бир йил муддатга,

• бир йил давомида иккинчи марта тақдорланса, икки йил муддатга маҳрум этилади.

Энг асосийси, ушбу ўзгаришлар қонунчиликни либераллаштириш принципларига ҳам тўла мос келади. Жумладан, аввал бир моддада баён этилган ҳуқуқбузарликлар учун тақдорийлик унинг қайси бири содир этилганидан қатъий назар ҳисобга олинарди, эндиликда эса муайян қоидабузарликнинг айнан тақдорийлиги иноватга олиниши белгиланди. Ўйлаймани, бу билан кўплаб ҳайдовчиларнинг талаб ва истакларини қондирилишига ҳам эришилади.

Ичкилик ичганга...

— Оғир оқибатли йўл-транспорт ҳодисалари кўпинча спиртли ичимлик ичиб транспорт воситасини бошқариш вақтида юзга келади. Кодексда бу қоидабузарликка нисбатан қандай чора қўллаш кўзда тутилган?

— Ҳайдовчиларнинг транспорт воситаларини алкоғолли ичимликдан, гиёҳванд модда таъсиридан ёки ўзгача тарзда маст ҳолда бошқариши учун қўлланиладиган жазо чораси кескин кучайтирилди. Эндиликда бундай ҳуқуқбузарлик учун транспорт воситасини бошқариш ҳуқуқидан бир йилу олти ойдан уч йилгача муддатга маҳрум этиш жазоси қўлланилади.

Шунингдек, худди шундай ҳуқуқбузарлик транспорт воситаларини бошқариш ҳуқуқи бўлмаган шахс томонидан содир этилган бўлса, энг кам иш ҳақининг ўттиз баравари миқдоридан жарима солишга ёки ўн беш суткагача муддатга маъмурий қамоққа олишга сабаб бўлади.

Маст ҳолда транспорт воситасини бошқарган ёки тиббий кўриқдан ўтишдан бўйин товлаган ҳуқуқбузарларга нисбатан шу кунгача қўлланиб келинган жарима жазоси олиб ташланиб, фақат транспорт воситасини бошқариш ҳуқуқидан маҳрум этиш жазосини қўллаш кўзда тутилган.

Нотўғри жойга тўхтаганга...

— Транспорт воситалари ҳайдовчиларининг тўхташ ёки тўхтаб туриш қоидаларини бузиши билан боғлиқ қоидабузарликка нисбатан қандай чора қўрилади?

— Транспорт воситалари ҳайдовчиларининг тўхташ ёки тўхтаб туриш қоидаларини бузиш энг кам иш ҳақининг уч баравари миқдоридан жарима солишга сабаб бўлади. Бир йил давомида тақдор содир этилса, энг кам иш ҳақининг беш баравари миқдоридан, учинчи бор содир этилса, ўн баравари миқдоридан жарима солишга сабаб бўлади.

Телефонда гаплашганга...

— Транспорт воситасини бошқариш вақтида уяли алоқа воситасидан фойдаланиш, хавфсизлик камарини тақмаслик каби қоидабузарликлар учун белгиланган жарималар миқдори ҳам ўзгардими?

“Аёллар салтанати, бу — меҳр, нозиклик ва сабр-тоқат подшолигидир” дейди француз ёзувчиси ва файласуфи Жан Жак Руссо. Дарҳақиқат, аёл ҳар қайси замон ва маконда ўзининг мунису муштипарлиги билан улуғланган. Ва энг муҳим паллаларда мард эркакларни буюк мақсадлар сари илҳомлантирган, куч берган ҳам ана шу нафис қалбли, юмшоқ табиатли аёлдир. Тўмариснинг матонати, Бибиҳонимнинг зукколиги боис не-не улуг ишлар амалга ошмаган дейсиз. Шубҳасиз, бу ибратли фазилатлар бугунги ўзбек аёлларига ҳам хосдир.

Сухбатдошимиз — бокс бўйича жаҳон ва Осиё чемпиони Ўткирбек Ҳайдаровнинг онаси Хосият опанинг ҳаётий ҳикояларини тингласангиз, юқоридаги эътирофларнинг нақадар ҳақиқатга эш эканлигини англайсиз.

Хосият ҲАЙДАРОВА:

УЧ ЎҒЛИМ ҲАМ БОКСЧИ

— Оллоҳ ато этган беш фарзандни раҳматли отаси билан оқ ювиб, оқ тарадик, — дейди суҳбатдошимиз Хосият Ҳайдарова. — Ҳалоллик, ростгўйликка ўргатдик. Уларнинг олдида муаммоларимизни, яхши-ёмон гапларни гапирмадик. Кўни-кўшни, қариндош-уруғ билан сену менга бормадик. Отаси ҳам, мен ҳам болаларнинг дарсларни ўзлаштириши, машғулотларга қатнашини қаттиқ назорат қилардик. Ҳар ҳафта дафтар-китоблари, кундаликларини текшириб турардик. Ўтилган дарслар юзасидан сўраб, ўқитувчисининг олдига бориб, хулқи, интизоми билан қизиқардик. Шунинг натижаси бўлса керакки, болаларимизнинг бари ҳаётда ўз ўрнини топишга ҳаракат қилишарди. Ҳали бирор марта ортидан ёмон гап эшитмадик. Отасининг ўзлари ҳам спортнинг бокс турига жуда қизиқарди. Ҳатто баъзан ўзи ҳам қизиққанидан шуғулланиб турарди. Аммо турмуш ташвишлари билан бўлиб жиддий шуғуллана олмаган.

Ҳозир уч ўғлим — Ўткирбек, Умиджон, Нозимжон ҳам боксчи. Қизларим — Ферузахон ва Мунираҳон аҳил бир оиланинг бекалари. Бири-биридан ширин ўн икки набирам бор.

Руфат Рискиевга ҳавас қилганмиз

Ўткирбек бош фарзандимиз. У туғилган йили ҳамюртимиз Руфат Рискиев Кубада ўтказил-



«Келиним Галияхон билан бир-бирини тушуниб, аҳил-иноқ яшайдилар».

фат Рискиевдай чемпион бўлади, катта-катта рингларда беллашади», деб ният қилган эди. Мен, бу шунчаки яхши ният-да, деб қўйгандим. Йўқ, Оллоҳ орзуи ва саъй-ҳаракатингга ярашасини кўрсатар экан. Ўткиржон ҳам худди Руфат акадай 25 ёшида 75 кг вазнда тенгсиз деб тан олинди. Афсуски, буни отаси раҳматли кўра олмади. Боши кўкка етган бўларди.

Эсимда, отаси Ўткирбекни эркалаганда ҳам, ҳатто бокс қилиб, у ёқ-бу ёига секингина зарба бериб суярди. Ва табиийки, ўғлим ҳам отасининг зарбаларини қайтаришга ҳаракат қиларди. Шундай қилиб, ўғлим етти ёшга бўлиб, биринчи синфга қадам қўйганида, отаси уни вилоти-миздаги 50-мактаб қошидаги бокс тўғра-гига етаклаб борган. Ўша кунни болам худди байрамга отлангандек, янги кийимларини

қарайди. Жудаям адолатпарвар, ҳақгўй. Ёлгонни ҳеч қачон қабул қила олмайдди. Шунинг учун ҳам кўпинча мактабда панд еган пайтлари бўлган. Бир воқеа ҳеч эсимдан чиқмайди: бир кун синфдоши безорилик қилиб қўйибди, Ўткирбекка тўнкабди. Чунки ўғлим чўрткесар, тўғрисиз бўлиб, баъзи болалар билан келишолмаган. Кейин ўқитувчиси уни ноҳақдан уришибди. Мени ҳам чақиртиришди. Ўғлимдан сўраб-суриштириб, вазиятни ўргангач, унинг айбисизлигини ўқитувчисига тушунтирдим. Лекин устози менга ишонмай, ўшанда бироз кўнглимни огритган. Мен “Ҳали кўрасиз, ўқувчингиз яхши инсон бўлиб, унда фахрланасиз”, деганман. Йиллар ўтиб, Ўткирбек чемпи-он бўлгач, бир кун кўчада ўша устозини кўриб қолдим ва у “Вой менинг болам чемпион бўлибди, мен ўқитганман-да”, деб мактаниб қўйди...

Чемпион бўлганида дунёга сигмадим

Етти ёшида отаси тўғаракка олиб борганларида, мураббийлар “Ҳали ёш экан, қийналади. Лекин майли, машғулотларимизни кузатиб, келиб-кейтиб турсин”, дейишибди. Шу-шу, ўғлим бокс билан шуғуллана бошлади ва мураббийларининг эътиборига тушиб катта-катта, нуфузли мусобақаларда иштирок этди. Биринчи марта Россиянинг Иркутск шаҳрида ўтказилган халқаро турнирда иккинчи ўринни

ИФТИХОР

эгаллаб қайтганди. Ўшанда 16 ёшда эди. Биринчи марта халқаро мусобақада голиб бўлганида, ишонасизми, унинг ўзидан ҳам кўпроқ ўзим ҳаяжонланганман. Ўшанда ҳали мустақиллигимизнинг илк йиллари эди. Унчалик шов-шув, дабдаба ҳам бўлмаган. Голиб бўлганини қайтиб келгач, ўзидан эшитганмиз. 1999 йили жаҳон чемпионатида отланганида, онаман-да, тунлари йиғлаб, “Э, худойим, шу боламни ўзинг қўллагин, аввало, Ватанимиз шарафини муносиб ҳимоя қилсин, байроғимизни баланд кўтарсин”, деб дуолар қилдим. Кейин билсам, иккинчи жангдаёқ қўли синган бўлишига қарамай, жангни давом эттириб, финалга чиқибди ва чемпион бўлибди. Бу хушхабарни эшитгач, дунёга сигмадим, кўзимдан қувонч ёшлари тўхтамади...

— Хосият опа, Ўткирбекнинг жанглари қузатиб боришга юрагингиз дов берадими? Барибир онасиз-ку, ичингиз ачиса керак?

— Ҳар бир беллашувини қолдирмай кузатиб бораман. У келгунча, остона ҳатлаб кўчага ҳам чиқмайман. Болам ҳар зарба еганида менинг жоним огрийди. Вой, ўғилгинамининг шунча йиллик заҳматли меҳнати юзга чиқсин, юзи ёруғ бўлсин, деб тураман. Лекин бирор жойи кўкариб келганида, ичим ачиб, “Кел, ўғлим, шўрпахта босай, бир пасда огриги босилади”, дейман-да, онаминг қўли деб ўзим муолажа қиламан. Тушкунликка тушган пайтлари ҳам бўлган, бундай ҳолатларда фақат руҳий жиҳатдан далда бериб, “Ҳеч қачон бўш келма, сабрли бўл. Ортингда миллионлаб халқ дуо қилиб турибди”, деганман. 1992 йили отаси қазо қилганидан сўнг бироз муддат бошқа иш билан машғул бўлди. Аммо уйда машқ қилиб турди. Барибир боксиз ҳаётини тасаввур қила олмаганини сезгач, устози Марс Кўчқоровнинг кўмаги, қўллаб-қувватлови билан яна боксга қайтди.

Аслида, менинг ўзим ҳам спортга жуда қизиқаман. Телевидение орқали Олимпиада ўйинлари, турил хил мусобақаларни қолдирмай кўраман. Юртимиз шаънини ҳимоя қилаётган ҳар бир спортчиға ўз боламдай қайғураман, омадлар ёр бўлишини тилаётиман. Ахир, улар ҳам менга ўхшаган оналарнинг суюкли дилбандлари-да.

— Ўткирбекнинг оиласи ҳақида ҳам гапириб ўтсангиз.

— Ўғлимнинг тўрт нафар фарзанди бор. Келиним Галияхон ҳам жуда ақлли, оилапарвар, саранжом-сариштали аёл. Иккаласи бир-бирини ҳар томонлама яхши тушуниб, ҳар қандай ҳолатда ҳам қўллаб-қувватлашга ҳаракат қилади. Ўғиллари ҳам ўзига ўхшаган абжир, чаққон. Ажабмас, отасига ўхшаб чемпион бўлса.

— Газетамиз муштарийларига тилакларингиз?

— Биласиз, оналар ҳар доим оилам, бола-чақам деб яшайди. Худода минг қатла шукр, шу фарзандларимиз раҳматли отаси ва менинг орзу-умидларимизни тўғибга чиқарди. Уларни ишонган ва суянган тоғларим деб биланман. Илоҳим, барча оналарга ана шундай ёруғ бахт насиб этсин.

Шаҳноза РОФИЕВА,
“Оила ва жамият”
мухбири.



АДИБ — тилимизда “ёзувчи”, “носир” маъноларини англатган “адиб” сўзининг туб илдизи “тарбияли”, “маърифатли” деган мазмунни билдирган. Шунингдек, бу сўзнинг “яхши фазилатлар соҳиби” деган маъноси ҳам бор.

Адибнинг кўзи кўрмас, ожиз эди, ун тўрт бобдан иборат ушбу баённи ёзиб тугатди.

Адиб Аҳмаднинг
“Ҳибат ул-ҳақоик”
асаридан

САМАНДАР — бир қарашда “самандар” сўзи билан юнонча “саламандра” сўзлари ўхшаш-у, лекин бир-бирига алоқасиздай туюлади. Бироқ изоҳли луғатда бу сўзлар биргаликда изоҳланган. Афсонага кўра, ўт ичида туғилиб, ўтда яшайдиган махлук “самандар” деб аталган.

Овози самандардек, донишда Искандардек, Қаҳр айласа аждардек, чун нури аён келди.
“Оқ олма, қизил олма”
китобидан

КУНДУЗ ВА ЮЛДУЗ — аввал “юлдуз” сўзининг “йилт” сўзидан келиб чиққанини таъкидлаб ўтгандик. “Кундуз” сўзи ҳам бу сўзга яқин. Махмуд Қошғарий изоҳига кўра, “кундуз” сўзи “кун ёруғи” деган маънони англатади. Шундан келиб чиқиб, “юлдуз” сўзи “йилт этган ёруғ” маъносини ифодалайди деб фараз қилиш мумкин.

Қуёш яширинган бўлса ҳам кундузнинг ёруғлиги ҳали тамом сўнмаган эди.

Ойбек

АЯМОҚ — тилимизда “авайламоқ” маъносини англатган “аяди” деган феъл бор. Бу феълнинг ўзаги “ая” сўзидир. Шунингдек, қадимдан тилимизда “кафт” маъносини билдирган “ая” сўзи бор. Бир қарашда авайлаш маъносидаги “ая” феъли билан “қўл кафти” маъносидаги “ая” сўзи шаклан бир хил-у, мазмунан ҳар хилдай туюлади. Лекин қўлда қўтариб ардоқлашни тарихимизда “айада туттиш” деб ҳам ифодалашган. Авайлаш билан кафтда туттиш мазмунан бир-бирига яқин. Шундан келиб чиқиб, “кафт” маъносидаги “ая” сўзи билан “авайла” маъносидаги “ая” сўзи туб илдири бир деб фараз қилиш мумкин. Шунингдек, “ая” сўзининг “тақдирламоқ”, “ато қилмоқ”, “таърифламоқ” каби маънолари ҳам борлиги манбаларда таъкидланган.

Эшқобил ШУКУР
тайёрлади.



«Ажабмас, невараларим ҳам отасига ўхшаб чемпион бўлса...»

ган жаҳон чемпионатида биринчи ўринни эгаллаб, чемпион бўлган эди. Ўшанда отаси “Ҳали насиб этса, менинг ўғлим ҳам Ру-

кийиб, чиройли ясаниб жиддий тайёргарлик кўрганди. Умуман Ўткирим ҳамма нарсасига жуда синчковлик, эътибор билан

...Инсон кўнгли гулдан но-
зик, тошдан-да қаттиқ, дейди-
лар. Баъзан кимдандир бир оғиз
ширин сўз эшитсанг ёхуд кўз ол-
динда рўй берган яхшилик, эз-
гулик, гўзалликни кўрсанг,
кўнглинг дарёдай тошади. Гоҳи-
да эса, аксинча, бирдан кўнглинг
чўкиб, ўзингни қаерга қўйишни,
дардингни кимга айтишни бил-
май қоласан. Ана шундай лаҳза-
ларда Гавҳаржон обидалар баг-
рига ошқайди. Ичанқалъа бўйлаб
танҳо ҳаёл суришни яхши кўра-
ди. Аслида Ичанқалъа унинг учун
асосий иш жойидай бўлиб қол-
ган. Илмий-амалий фаолияти

Гавҳаржоннинг она шахри
Хивага меҳри баланд. Жаҳон
аҳлини хайратга солган қадимий
ёдгорликларни асраб-авайлаш-
га, ҳали қанчадан-қанча авлод-
ларга ўз ҳолида, ўз кўриниши-
да етказишга ҳисса қўшсам, дея
орзу қиларди. Шу мақсадда Са-
марқанд давлат меъморчилик-
қурилиш институтига ўқишга
кирди. Ўқишни имтиёзли дип-
лом билан тугаллаб, шу даргоҳ-
да илмий ишини муваффақият-
ли ёқлаб, техника фанлари ном-
зоди унвонига сазовор бўлди.
"Хоразм тарихий ёдгорликлари-
ни конструктив мустаҳкамлаш"

килотлар билан алоҳида дастур
ишлаб чиқиб, тадбирлар белги-
лаб изчиллик билан иш олиб
бораёпмиз. Қулаш хавфи бўлган
Саид соликор масжиди минора-
сининг оғишини тўхтатиш
жараёни бўйича амалий ишлар
қилинди. Оллоқулихон, Қутлуг-
мурод Иноқ мадрасалари ва
бошқа қатор тарихий обидалар-
да ҳам шу тахлит таъмирлаш
ишларининг сифатли бажарили-
шига ҳисса қўшди.

Гавҳаржон Дурдиева бир
неча йил Хива тумани ҳокими
ўринбосари, хотин-қизлар кўми-
таси раиси бўлиб ишлади. Бу

ОРАМИЗДАГИ ОДАМЛАР



рант, 3 та тадқиқотчи Г. Дурдие-
ва раҳбарлигида номзодлик
ишини ёқлашга тайёрланмоқда.
Унинг ташаббуси билан 4 та ама-
лий, 2 та инновация грантлари
асосида 145 млн. сўм молия-
лаштирилди. Ичанқалъанинг 54
та тарихий ёдгорлиги ҳақида
мукаммал маълумотлар тўплами-
ни тайёрлади.

Яқинда Гавҳаржон ажойиб
хушхабар айтди:

— Хивада шу пайтгача икки
қалъа — Ичанқалъа, Дишон-
қалъа мавжуд эди. Яқинда Ян-
гиобод (Аввалги Қосимобод)
шаҳарчаси ҳудудида яна бир
қалъа қолдиқлари топилди. У
Қўргонқалъа деб номланди.
Ҳозир бу ерда археолог, тарих-
чи олимлар билан қазилма
ишларини олиб бораёпмиз. Янги
қалъа Хива шаҳрининг ҳақиқий
ёшини аниқлаш, тарихини му-
каммал ўрганишда муҳим аҳами-
ят касб этиши шубҳасиз.

Гавҳаржон бахтиёр оила со-
ҳибаси. Умр йўлдоши Одилбек
Заргаров (у ҳам Хоразм Маъмун
академиясида ишлайди, ном-
зодлик диссертациясини ёқлаш
арафасида) билан уч фарзанд-
ни камолга етказишмоқда. Қизи
Нафиса онаси изидан бориш
ниятида. Қадимий ҳаттотлик
санъати сирларини кўнт билан
ўрганаётти.

Кеча эса Тошкентдан кўнги-
роқ қилишди: "Халқаро конфе-
ренцияга етиб келишингизни
сўраймиз". Гавҳаржон бу нуфуз-
ли анжуманга тайёргарлик ол-
дидан яна Ичанқалъа томон йўл
олди....

Абдулла САФОЕВ,
Хоразм вилояти.

Тошлар тилга кирса гар...

бевосита шу қадим қалъа билан
боғлиқ. Бу ерларни неча бор ай-
ланган, кезгани, тадқиқ қилга-
ни билан ҳар сафар Ичанқалъа-
ни кезса, ҳаётнинг кўз илғамас
янги бир сирини кашф этгандай
бўлаверади. Бир-биридан ви-
қорли, гўзал, сержило обидалар
гоҳ меҳр, садақатнинг рамзи
бўлиб туюлса, гоҳида сабр-чи-
дам, бардош, матонатдан сабоқ
беради гўё. Гавҳаржоннинг наз-
дида ота-боболаримиз ана шу
обидалар тошларига инсонийлик
ҳақида ажиб ва нажиб дастхат
ёзиб кетгандай бўлади.

— Агар тошларга забон бе-
рилгудай бўлса, энг аввало,
«меҳр» сўзини тилга олган
бўларди, — дейди Гавҳаржон. —
Нафақат одамзодга, ҳатто жон-
сиз тошга, гиёҳга, бутун борлиқ
табиатга меҳр керак. Меҳр бўлса,
ҳаёт яшашда, умр безавол, сер-
мазмун кечади.

мавзусидаги илмий иш (Г. Ду-
рдиева мазкур илмий йўналиш
бўйича Марказий Осиёда ягона
фан номзоди) унинг амалдаги
фаолиятида ҳам ҳар томонлама
қўл келмоқда. Хусусан, обида-
ларга иккинчи умр, навқиронлик
бағишлашда яхши самара бер-
моқда.

— Оролбўйи носоғлом эко-
логик муҳити тарихий ёдгорлик-
ларга ҳам ўз таъсирини ўткази-
ши табиий, — дейди олима аёл.
— Пештоқларда, деворларда,
гумбазларда ҳар хил ёриқлар, ер
ости намлиги кўтарилиши, ми-
нораларнинг ўз вертикал ўқиға
нисбатан оғиши кузатишмоқда.
"Термит" деган ҳашаротларнинг
пайдо бўлиши эса ёғоч устун,
эшик, дарвоза, дераза ромлари-
га зарар етказмоқда. Албатта, бу
офатларнинг олдини олиш биз
олимларнинг муҳим вазифаси,
бурчи. Тегишли мутасадди таш-

вазифада ҳам сидқидилдан хиз-
мат қилди. Хотин-қизларнинг
ижтимоий-сиёсий фаоллигини
оширишга, хайрли ишларга ун-
дашга, қўллаб-қувватлашга ас-
тойдил интилд.

Илмга интилиш уни яна ўз
соҳасида мўқим ишлашга унда-
ди. Ҳозир у Урганч давлат уни-
верситети доценти. Шу билан
бирга, Хоразм Маъмун
академияси катта илмий ходи-
ми, илмий грантлар раҳбари.
"Хоразм архитектура ёдгорлик-
ларини қурилмалар бўйича му-
стаҳкамлаш" мавзусида доктор-
лик диссертациясини ҳимоя
қилиш арафасида. Айни пайтда
республикамиздаги мутасадди
ташкilotлар билан биргаликда
ЮНЕСКОнинг пахса ёдгорлик-
ларини сақлаб қолиш лойиҳа-
сини амалга оширишда ҳам қат-
нашмоқда. Дишанқалъа девор-
лари шу лойиҳа асосида илмий

тадқиқ қилиниб, қадимги ҳоли-
га келтирилмоқда. Бу борада
Гавҳаржон Франция, Италия,
Англия, Россия олимлари билан
ҳамкорлик қилиб, тажриба ал-
машаяпти.

Гавҳаржон жамоатчилик иш-
ларида ҳам фаол. Хоразм Маъ-
мун академиясида ташкил
қилинган "Олима аёллар" уюш-
маси раиси, халқаро "Олтин ме-
рос" жамғармасининг Хива туман
бўлими раҳбари, ўзи яшаётган
Гулирайхон маҳалласи жамоат-
чилик кенгаши раиси. Туман ва
вилоят миқёсида ўтадиган мада-
ний-маърифий тадбирлар та-
шаббускори ва ташкилотчиси.
Ижодий изланишлари диққат-
га сазовор: 95 та илмий мақола,
3 та монография, 3 та илмий-
амалий қўлланма, 4 та тарихий,
илмий китоб муаллифи. Тарихий
ёдгорликларни таъмирлаш бўйи-
ча патент соҳибаси. 1 та аспи-

2011—КИЧИК БИЗНЕС ВА ХУСУСИЙ ТАДБИРКОРЛИК ЙИЛИ

Ўғилхонга мақтов ярашади

Бугунги лавҳамиз қаҳрамони
оилада уч қиздан кейин дунёга
келган. Жўравой ака ва Кундуз-
хон аялар яхши ниятлар билан
унга Ўғилхон деб исм қўйишди.
У ота-онасининг ёруғ орзулари-
ни ўзида муҷассам этган, шижо-
атли, ғайратли ва эзгу мақсад-
лар сари астойдил интиладиган
қиз бўлиб вояга етди.

Ўғилхоннинг нияти шифокор
бўлиш эди-ю, лекин отасининг
сўзини икки қилгиси келмай,
мактабини тамомлагач, Фаргона
кооператив савдо билим юрти-
да таҳсил олди. Иш фаолияти-
да дастлаб туман матбуот сав-
до корхонасидан бошлади.

— Минглаб, миллионлаб ин-
сонлар қатори менинг ҳам ис-
тиқлол йилларида эзгу режа-
ларим амалга ошди, — дейди ян-
гиқўргонлик Ўғилхон Дадабое-
ва. — Мустақиллик йилларида
вилоятда биринчилардан бўлиб
«Фарангиз — 98» хусусий кўп
тармоқли корхонасини ташкил
этдим. Кўплаб маиший хизмат
турларини ўзида жамлаган жа-
моада ўнлаб иш ўринлари яра-
тилди. Бу билан кўплаб ҳақиш-
лоқларимиз ўттиз чақирим йўл

босиб, ишини битказиш учун
марказга бориш ташвишидан
кутулди.

Дарҳақиқат, ўша кезларда
аҳолининг сартарошхона, қосиб-
чилик, тикувчилик ва новвойхо-
наларга эҳтиёжи анча баланд
эди. Ўғилхонни ёшу кекса роса
дуо қилди. Ўшанда билдирилган
самимий тилаклар бугунга келиб
ижобат бўлмоқда, десак ян-
глишмаймиз.

— Бозор талабларидан ке-
либ чиқиб, кондитер маҳсуло-
лари ишлаб чиқаришни йўлга
қўймоқчимиз, — дея сўзида да-
вом этади замонамиз қаҳрамо-
ни. — Бунинг натижасида яна
кўплаб янги иш ўринлари яра-
тилади.

Ҳа, Ўғилхон опа билан суҳ-
батлашсангиз, сира зерикмай-
сиз. У аёллик, оналик, шундай
осуда ва озод заминда яшаш
бахтидан масрур эканини қайта
ва қайта таъкидлашдан эринмай-
ди. Турмуш ўртоғи — Ўзбекис-
тон Бадиий академияси аъзоси,
рассом Олимжон ака Эргашев
билан Фарангиз ва Бобуршоҳ-
ни камолга етказмоқда.

«Ҳаёт бахт демакдир, инсон



дунёга яхшиликлар қилиш учун
келади», деган ақидага қатъий
амал қилиб яшашга одатланган
Ўғилхон опа сингари аёллар,
чин маънода озод ва обод юр-
тимизнинг янада гуллаб-яшнаши
йўлида фидойилик кўрсатаётган
инсонлардир. Шундайлар билан
ҳар қанча фахрлансак, арзийди.

Шахло ТОШБЕКОВА,
«Оила ва жамият» муҳбири.
Наманган вилояти.

Ҳикмат излаганга ҳикматдир дунё

Иккинчиси — сўзига ёлғон қўйиш-
дир.

Учинчиси — бахиллик. Бахил киши
одамларнинг энг ярамасидир.

Мана шу уч одат уч тоифа но-
донларга ҳосдир.

Ким ёлғончилик билан танилса, у
халқ олдига обрўсини йўқотади.

Кимки ўжар бўлса, у тубандир,
барчанинг иши ўнг бўлса, ўжарнинг
иши тескари кетади.

Таълимда бахил бўндай таъриф-
ланган: Эй, бечора, эй, шўр пешона,
эй, нотавон, бахти қора...

Юсуф Хос ҲОЖИБ
("Қутадғу билиг"дан)

РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ЎҚУВ МАРКАЗИ

қўйилган ўқув курсларига таклиф этади:
Тикувчилик — 3 ой, бошловчилар — 6 ой.
Тўй ва оқшом либослари — 1-2 ой.
Аёллар костюм-шиму, плаш-пальто — 1-2 ой.
Хамшира — 6 ой, 4 ойи ўқиб.
Хамшира (тезкор) — 3 ой (амалиёти бил-
лан).
Тиббий массаж — 2 ой. Нуктали — 1 ой.
Торт ва пишириқлар — 2 ой.
Пишириқлар олий курси — 1 ой.
Уйғур, Европа таом ва салатлари — 1 ой.
Аёллар сартарошлиғи — 3 ой.
Педикюр, маникюр — 1 ой.
Сартарошлик — 3 ой.
Тўй ва оқшом турмақлари ва макияж — 1 ой.
Бухгалтерия ҳисоби — 3 ой.
Элита парда ва чойшаблар тикиш — 1 ой.
Элита парда ва чойшаблар тикиш олий кур-
си — 1 ой.
Сартарошлик — 2-3 ой (ўғил болалар учун).
Каштачилик — 3 ой (машинада вышивка).
Тўқувчилик — 2 ой.
Инглиз тили — 3 ой, бошловчилар — 6 ой.

Рус тили — 3 ой, бошловчилар — 6 ой.
Бисер, яъни мунчоқ тикиш — 2 ой.
Сунъий гул яшаш — 1-2 ой.
Компютер сабоқлари — 2 ой.
Интернет — 1 ой.

Барчаси амалиёти билан
Етоқхона мавжуд.
Ўқиниш тугатганларга
диплом берилади.

Манзил: Тошкент шаҳри Юнус-
бод тумани 3-мавзе 1-уй
31-хона. Мўлжал: Юнусобод
деҳқон бозори бош томони
орқасида.

Тел: (8371) 221-17-95, 221-77-72
(18⁰⁰), 225-97-93 18⁰⁰ дан

22⁰⁰ гача.

ФИЛИАЛ
Манзил: Ҳамза тумани Фарғона
йўли кўчаси, Қўйлик, 4-уй
40-хона. Мўлжал Қўйлик кийим
бозори. Тел: (8371) 295-97-82
+99897 785-90-30 (қундузи)

«Ўзкоммунўкувташкilotчи» республика ўқув маркази

«БУХГАЛТЕРИЯ ҲИСОБИ»

ўқув курсига таклиф қилади.

ўқиш даври — 1 ой

Манзил:

Тошкент шаҳри Нийзбек йўли кўчаси, 1.
(«Минор» метро бекати)
Тел.: 234-17-08, 343-94-98

Одамман деб бош кўтариб юрган-
лар беҳисоб, аммо одам деб ишониш
мумкин бўлган киши топилмайди.

Инсон учун уч нарсан аниқ бефой-
дадир:

Биринчиси — ўжарлик, бу жуда
ярамас одатдир.

Кичкинагилгимизда Мар-
гилондаги кўшнимиз бот-бот
бизнига олиб чиқадиган
сертир қовунлар ҳалигача кўз
ўнгимдан кетмайди.

— Абдасхон тоғамларни-
дан келди, — деб мактанарди
кўшнимизнинг ўғли.

Кейинчалик Абдасхон Али-
гавҳаров тўғрисида кўп эшит-
дим, ўқидим. Дипломсиз бу
селекционер, халқ академиги-
нинг ҳаёти, фаолияти ҳақида
ўйлаганда, ҳар лаҳза синув,
эзгулик яратиб, яхшилик ула-
шиш учун берилган умр лаҳ-
залари олдида хижолатчили-
гим ортаверади...

Мамлакатимизда 2011
йилнинг "Кичик бизнес ва
хусусий тадбиркорлик йили"
деб номланишининг мақсаду
хосиятлари кўп. Улардан
бири асрлар давомида халқ-
қимизнинг қон-қонига сингиб
кетган тадбиркорлик, ми-
ришкорлик, ҳалол касбу кор-
га садоқатлилик фазилатла-
рини одамлар қалбига, ай-
ниқса, ёшлар руҳига сингди-
риш, деб ўйлайман. Шу маъ-
нода Алигавҳаров ҳақида
эшитганларим, ўқиганларим
асосида сиз азиятларга қу-
йидаги ҳикояни баён этиб
бергим келди.

...Иккинчи жаҳон уруши
бошланганда, Абдасхон Алигав-
ҳаров эллик ёшга бориб қолган.
Бисотидаги энг бебаҳо бой-
лиги — беш халта қовун уруғи-
ни уйланининг бурчагига тахлаб
қўйди-да:

— Буларни қайтгунимча эҳти-
ётлаб сақла, онаси. Насиб этса.
юз пиёла чой ичишга улгурма-
сингданоқ қайтиб келаман, —
деб халтасига зогора нонни соли-
б фронтга жўнади.

Хотини Хосиятхон учинчи
март "Алигавҳаров мардларча
ҳалок бўлди" деган "қора хат"
олганида... охири ҳамқишлоқла-
ридан эри ташлаб кетган қовун
уруғини далага экишларини илти-
мос қилди: "Зора, савобидан
руҳи баҳраманд бўлса..." Лекин
одамлар ейишга нон тополма-
ётган замонда ҳеч кимнинг юра-
гига поллиз сифмади. Хосиятхон
буни ҳам яхшиликка йўйди, умид
қилди: "Яхши бўлди. Балки
эримнинг ўзи келиб қолар..."

Остонада озиб-тўзган, ранги
докадек Абдасхонни кўрганда...
Хосиятхон опа: "Кўзимга нима-
дир кўринаётими?" деган ҳаёл-
да қўрқиб кетди. Лекин ташка-
ридан эшитилган "Абдасхон ака
қайтиб келди!" деган шодмон
овоздан ҳушини йигиб олди.

Абдасхонни кўрган одам
ҳали-бери унинг бир ишни эп-
лаб кетишига ишонмас, бироз
ўзига келгач, даволанса керак,
деб ўйларди. Лекин унинг ўзи
бир кун ҳам бекор ўтирмакчи
эмасди. Буни тушунган раис

қўнгил кўтариш маъносиди:

— Сизга иш топиб берамиз,
ҳеч бўлмаса, макка қўрийсиз, —
деди.

— Йўқ, оғайни мен қовун экан-
ман, — деди Алигавҳаров. —
Шундай қовунлар етиштирайки,
бутун водийда улардан ширини
бўлмасин.

— Ҳа, майли, сазангиз ўлма-
син, қовун бўлса, қовун-да, —
тортишиб ўтиришни ўзига эп
билмади раис. — Лекин айтиб
қўйиб, пахта билан маккадан
ортиқ бир сотих ҳам ер йўқ.

Кўп ўтмай, Абдасхон хотини
билан Ёзёвоннинг қип-қизил

аравада гўнг аралашган тупроқ
ташиб солишди. Беш йилдан
буён уйда тахланиб турган хал-
таларнинг боғи ечилди. Пақир-
ларда сув ташиб даштда унган
қовун кўчатларини суғоришди.
Ўша йили бир қовунлар бўлди-
ки...

Ачинарлиси, қишлоқда бун-
дан бошқа қовун уруғи топил-
мади. Нахотки, қовуннинг ноёб
навлари уруғи йўқолиб кетган
бўлса?! Алигавҳаров ният қилди:
"Керак бўлса, бутун Ўрта Осиё-
ни кезиб чиқаман. Барча қовун
навлари уруғини йиғаман".

Эру хотин қундан-қунга ҳаёт-

Космосга жўнатилган қовунлар

чўлига йўл олди. Кимсасиз,
бепоён дашт.

— Хўжайин, — деди хо-
тини илк баҳор ёмғирига ҳам
тўймай жизганак бўлиб ётган
ўт-ўлан, кулранг барханлар-
га боқиб. — Тоғни ўрнидан
кўзгатиш мумкин-дир-у, аммо
бу чўлдан бирор нарсан
ололмайсиз.

— Яхши ният қил, хотин.
Тошдан ҳам гул ундириш
мумкин.

Абдасхон ерни текислаб,
шудгорлаб, ариқ қазиб сув
келтиргунча боши айланиб,
хушидан кетган. Хосиятхон:
"Бас, кетамиз! Чўлиям кур-
син!" деб қирқиллаганда
унга бир нима дейишга ма-
дори етмаган пайтлар ҳам
бўлди.

"Чидайсан, ишлайсан!" деб
ичида ўзига-ўзи хитоб қиларди.
Лекин аёлининг "Дам олиб иш-
ланг, бўлмаса, ўзингизни бир
дардга дучор қиласиз", дегани-
да жон борлигини тан олди: "Ос-
колькалардан илма-тешик
бўлган бу баданни аста-секин
ишга ўргатиш керак". Шундан
кейин тонг сахарда иш бошлаб,
кун қизиб кетганда дам олиб,
иссиқ қайтганда яна поллизга чи-
қадиган бўлишди.

Ўша йили баҳорда шудгор
қилинган ерни кўрган раис
"Фойдаси бормикин?" дея икки-
ланганча бошини сараклатди.

— Раис, агар от-арава берсан-
гиз, қузда шу ерлардан асал-нов-
вот қовунлар йигиб олардим-да!

Бу гапга унча ишонмаган
бўлса-да, раис унинг қўнгли
учун от-арава берди. Эру хотин
шўр ердан чуқурлар қавлаб, от-

ларини изга солиб беришар-
ди-ю, лекин қўнғиллари кемтик
— бефарзанд эдилар. Умидли
дунё, дейдилар, ноумидликдан
асрасин. Хосиятхон оғир оёқ
бўлиб, тўнғичи Мамасайид ту-
ғилди.

Ердан ҳосиллар йиғиб оли-
ниб, деҳқон озгина нафас рост-
лайдиган ойларда Абдасхон
Фаргона водийсидан бошлаб,
қўшни республикаларга айлани-
б чикди. Бозору поллиз дала-
ларидан қовунчиларни топиб,
улардан олган уруғларини ас-
раб-авайлаб, даштга экиб, ҳар
бир қўчатни ўз боласидек пар-
варишладди. Чўл бағридан ма-
шаққат билан ўзлаштирилган
бир парчагина ер бора-бора ке-
нгайиб, қовуннинг ноёб турлари
саралаб етиштириладиган май-
донга айланди. Соҳанинг етук
олимлари хатто ўрта мактабимиз
битирмаган бу тиниб-тинчимас

одамнинг саралаб
етиштирган қовун на-
вларига тан беришди.

Алигавҳаров етиштирган
қовунлар ҳаммаёққа машхур
бўлиб кетди. Узок-ақиндан ха-
ридорлар кўпайди. Зеро, тили-
ми тили ёрадиган, эртапишар,
аммо бандидан узилиши билан
чирий бошлайдиган Оққовун,
Обиновот каби навларни бан-
ди қаттиқ, шира бўлмайдиган
навлар билан; ўзи оғзингизда
эрийдиган, хушбўй, асал таъм-
ли, аммо кўримсиз жўрақандни
Туркменистон қовунчиларидан
олиб келган навлар билан қатиш-
тириб, ҳам мазали, ҳам кўрим-
ли, ҳам чидамли навлар яратди.
Кийиктумшукдан олинган янги
навий кўпчиликнинг маслаҳати
билан "Алигавҳаров" деб номла-
ди.

Абдасхоннинг яна бир ажо-
йиб хизматини замон туралари
тушунишлари қийин кечди. У
отасидан ва қишлоғу поллизлар-
ни кезиб, миришкор қовунчи-
лардан ўрганганларини, яъни
ота-боболаримиз агротехника-
сини янгидан синаб мукаммал-
лаштирди. Уни эскиликка
ёпишиб олганликда айб-
ламоқчи бўлишарди:

— Кўп ишлайсиз-у, ле-
кин кам самара оласиз, —
деди бир кун эски тани-
ши. — Бошқаларга ўхшаб
минерал ўғитни кўп со-
либ, яхшилаб суғорсан-
гиз, анча-мунча одам кўта-
ролмайдиган қовунлар
етиштирасиз-ку!

— Унақа бемаза қовун-
ни ким ейди? — деб гап-
ни шартта кесди Алигав-
ҳаров.

— Э, буниси билан
нима ишингиз бор?!
Қовуннинг нархи вази ва
донасига қараб белгила-
нади. Мазасига алоҳида
ҳақ тўлашмайди-ку!

— Йўқ! Агар мен ҳосил си-
фатини ўйламасам, еган номим
ҳаром.

Алигавҳаров шўрда қолган
қовун ниҳоллари остига эрин-
май гўнг аралаштирилган тупроқ
тўкаверди.

У болалигидаёқ таъми оғзи-
да қолган, бир пайтлар отаси
етиштирган Қалайсан навининг
уруғини беш йил ахтарди. Ўрта
Осиё бўйлаб қидирди-ю, қутил-
маганда ёнгинасидаги Янгикўр-
ғон туманидан топди. Кекса ота-
хон арзон-гаровга бериб юбо-
раётган уч дона майда, оч кўк
доғли, ёнбошларида қалин йўли
бор хунуқкина қовунни чақмоқ-
лаб тотиб қўрди-ю: "Э отахон,
бу Қалайсан-ку!" деб бақириб
юборди. Кейинчалик ана шу
Қалайсан, умрбоқи ва жўрақанд
навлари халқро кўргазмаларда
олтин медалга сазовор бўлди.
1970 йили Япониянинг Осака

шаҳрида ташкил этилган
«ЭКСПО-70» жаҳон кўргазмаси-
да шу қовунлар ўзбек ерининг
саховати ўзбек деҳқонининг
миришкорлиги тимсоли бўлган
эди...

Яна бир қизик воқеани эшит-
ганлар бордир орамизда. Айтиш-
ларича, Алигавҳаровнинг қовун-
лари ширинлиги боис 1981 йили
коинотта, "Салют - 7" космик ке-
маси космонавтларига ҳам юбо-
рилган экан. "Бизга Ўзбекистон-
нинг Фарғонасидан Абдасхон
Алигавҳаров қовун юборибди.
Шифокорлар "озроқ енг", де-
йишларига қарамай, кўп қовун
еб қўйди", деб интервью бе-
ришган экан космонавтлар...

Абдасхон Алигавҳаров сак-
сонга яқин қовун навларини тик-
лади, ўзи яратди. Унинг поли-
зида, хонадониди қанчадан-
қанча олимлар, таниқли инсон-
лар меҳмон бўлишган. Унинг
асосий борар жойи дала, поллиз
эди. Камсукум, камтарона қийи-
нар, жисму руҳи доим соғлом,
бардам юрарди.

Абдасхон ота ҳаётининг охи-
ри йилларида ҳам (83 ёшда ва-
фот этганлар, Аллоҳ раҳмат қил-
син) меҳнаткашликда, мириш-
корликда, ғайратлиликда, ўз кас-
бига фидойиликда барчага ўрнак
бўлди. Журналистларнинг умр
мазмуни ҳақидаги саволларига
ҳар гал оддийгина қилиб:

— Ватанинг тинч-осойишта
бўлса, оиланг ҳам тўқ, фаровон
яшайди, фарзандларинг камол-
лини кўраверасан, — деб жавоб
берарди...

ДАРВОҚЕ: Сөзиб турибман,
муҳтарам муштайи, қўнғилнинг
дан "Алигавҳаровнинг" хайрли
ишларини давом эттираётган
фарзандлари, нева-чеварала-
ри бўлса, бўлса, нега кейинги
йилларда қовун навлари айниб
кетди, таъми, мазе-матраси бу-
зилиб бораётти, нега боболари-
га ўхшаб изланишмаяпти? —
деган жумбоқли савол, мулоҳаза-
лар ўтаётгани рост. Қўнғилнинг
тўқ бўлсин, азизлар, олтинга
қардан-да қадри бандан она ту-
роғимиз билан тиллашиб, чин
маънода деҳқончилик илмининг
забардаст вақили сифатида эъти-
роф этилган Алигавҳаров бошлаб
кетган савобли ишларнинг да-
вомчилари бутун ул зотнинг не-
вара-чеваралари жуда кўп. Му-
болага эмас, водийнинг исталган
гўшасига бориб, боғбону соҳиб-
корлардан сўрасангиз, ҳеч икки-
ланмай: "Бизлар Алигавҳаров-
нинг шоғирдларимиз!" деб
фаҳрга тўлиб гапиришадди.
Ҳақиқий бахт, эл-улус орасида
яхшилик ва эзгулик уруғини со-
чиш, ўзидан яхши ном қолдириш
дегани аслида шу эмасми?

Муҳтарам УЛУҒОВА

Мурсою мадора

Ҳар ишни яхшилик, кенгфеъллик ва
бағрикенглик билан хал қилиш халқимиз-
нинг қадимий ахлоқ мезонларидандир.
Халқ мақоллари: «Мурсою мадора -
омонликка ишора»; «Мурсада мадор
бор, жанжалда хатар бор»; «Сўз сўз
билан илон чикар инидан, ёмон сўз билан
қилич чикар қинадан»; «Юмшоқ ипакни
ўткир қилич кесолмас».

Халқ достонлари ва эртакларида ҳам
ҳамиша эзгуликнинг галаба қозониши
бежиз эмас. Бунда улғу ҳикмат бор. Али-
шер Навоий ҳам айтадилар:

Ҳар кимки чучук сўз элга
изхор айлар,
Ҳар нечаки ағёрдурур, ёр айлар.
Сўз қотиғи эл қўнглига
озор айлар,
Юмшоғи қўнгуллари
гирфтор айлар.

"ЯХШИ СЎЗ АҒЁРНИ ЁР АЙЛАР..."

Яъни, кимки элга, одамларга яхши сўз
айтса, яхшилик билан муомала қилса, у
душмани ҳам дўстага айлантиради.
Сўзининг қаттиғи эса эл қўнглига озор
етказад, уни бездиради.

Сўзнинг юмшоғи қўнғил-
ларни овлайди,
қўлга олади, ях-
шиликка мойил
қилади. Бу миллий
қилиятлар маъна-
виятимиз негизи
эканлиги анъана-
лар табиатидан,
мазмун ва моҳия-
тидан маълум
бўлиб, ёш авлодни
баркамол қилиб
тарбиялаш йўлида
ҳам муҳим аҳамиятга эгадир.

Сув борки, ҳаёт бор

Сувни қадрлаш, эъозлаш Шарқ халқ-
ларига хос бўлиб, хатто миллий ахлоқ да-
ражасига чиққан, десак му-
болага қилмаймиз. Қуйида-
ги халқ мақолларига эъти-
бор қаратайлик: «Сув бор
жойда ҳаёт бор»; «Сув — зар,
сувчи — заргар»; «Ой сулуви
— нур, сой сулуви — сув»;

«Сув келди, нур келди»; «Эл
ҳаёти ер билан, ер ҳаёти сув
билан»; «Сув деҳқоннинг
қони, ер деҳқоннинг жони»;
«Сувсиз ер мазор, сувли ер
гулзор»; «Сув келтирар мард
киши, экин экар ҳар киши»;
«Сувни ич, чашмани бул-
гама»; «Сув ичадиган қудуғинга тупур-

ма»; «Сувга тупурган — савдойи, қудуққа
тупурган — сазойи»; «Сувдай сероб бўлай
десанг, элга мироб бўл». «Сув келтирган
элда азиз»...

Туз тотган жой

Бу ҳам энг муҳим миллий хусусият-
лардан биридир. «Бир кун туз тотган
жойга қирқ кун салом бер»; «Тўйган жойга
— тўққиз кун таъзим»; «Тузини ичиб, туз-
лиғига тупурма»; «Бир кунги танишга
минг кун салом бер».

Бу мақолларда: «Яхшилик қўрган
ерингни, одамнигни асло унутма, унга
сира ёмонлиқни раво қўрма, уни ҳами-
ша хурмат қил», деган ўғитлар жамлан-
ган. Бу, ҳақиқатан, ўзбек халқига хос
бўлган миллий ахлоқ намунасиدير.

"Оила ва жамият" муҳбири
Бобур КЕНЖАБОВ
тайяради.



Раҳбар қонунни бузса... ҚИЛМИШ-ҚИДИРМИШ

Бугунги кунда юртимизда жуда кўп тадбиркорлар тўқимачилик корхоналари очиб, самарали фаолият юритишмоқда. Асосийси, бу соҳага давлат томонидан катта эътибор қаратилиб, етарли даражада шарт-шароитлар ҳам яратилган. Фақатгина берилган имкониятлардан қонуний равишда фойдаланиб, белгиланган солиқларни ўз вақтида тўласангиз ютуқ сизники, аксинча бўлса...

"WG tekstil" (номи қисман ўзгартирилган) хусусий корхонаси раҳбари А.Салимов (исм-шарифи шартли) бир неча йил олдин пойтахтимиздаги Шайхонтоҳур туман ҳокимлигининг тадбиркорлик субъектларини рўйхатга олиш инспекциясидан трикотаж буюмларини ишлаб чиқариш фаолияти билан шуғулланиш учун гувоҳнома олган. Лекин орандан кўп вақт ўтмасдан қатор қонунбузиш ҳолатларини содир этган А.Салимов 9 ойлик фаолияти давомида ягона солиқ ҳисоботида солиққа тортиладиган тушум миқдорини 141.151.000 сўмга камайтириб, давлат бюджетига тўланиши лозим бўлган 9.880.600 сўм ягона солиқ тўловини тўлашдан бўйин товлаб келган.

Шунингдек, А.Салимов "WG

tekstil" корхонаси раҳбари бўла туриб, ўз нафсини ўйлаб, 115 миллион сўмдан ортиқ товар моддий бойликларини бухгалтерия ҳисоботларида ҳамда ҳисобга олиш регистрларида акс эттирмасдан, турли бозорларда нақд пулга чакана тарзда сотиб, тушган маблағни банк муассасасига инкассация қилмасдан, ўз эҳтиёжи учун ишлатиб юборган.

Хуллас, қонунбузар "WG tekstil" хусусий корхонаси раҳбари А.Салимовга нисбатан жиноят иши қўзғатилиб, унга суд томонидан тегишли тартибда жазо белгиланди.

Мазруф АХМЕДЖОНОВ,
Бош прокуратура
хузуридаги
СВОЖОДЛҚК департаменти
Тошкент шаҳар
Шайхонтоҳур туман
бўлим бошлиғи ўринбосари.

Жиноятга яраша жазо

1982 йили туғилган, биринчи бор 9 йилга, иккинчи марта эса 6 йилга озодликдан маҳрум этилган Комил Мусаев (исм-шарифи ўзгартирилган) панжарадан ташқарига чиққанидан сўнг ҳам тегишли хуло-

сани чиқармади. Алал оқибат, ноқонуний тамаки савдосига аралашиб, қўлга тушди.

Жорий йилнинг баҳоридан Юнусобод туманидаги Боғишамол кўчаси ва автомобиль халқа йўли кесишган чорраҳада қонунга хилоф тарзда тамаки маҳсулотини сотиш билан шуғулланиб келди. "Бузоқни югургани сомонхонагача" деган мақол бежиз айтилмаган экан. Қонунбузар К.Мусаев департамент ходимлари томонидан қўлга олинган вақтда фуқаро Маликовга 2 турдаги 60 қўти тамаки маҳсулотини 370 минг сўмга пуллаётган эди. Текширув давомида унинг ёнида сотиш учун мўлжалланган жами 4.045.000 сўмлик 1247 қўти Ўзбекистон акциз маркасига эга бўлмаган тамаки маҳсулотлари мавжудлиги аниқланиб, масала қонуний ҳал бўлгунга қадар олиб қўйилди.

К.Мусаев содир этган жиноий қилмиши учун жазога тортилди ва ноқонуний тамакилар тегишли тартибда йўқ қилинди.

Алишер ХАЛИКОВ,
Бош прокуратура
хузуридаги СВОЖОДЛҚК
департаменти
Тошкент шаҳар
Мирзо Улугбек туман
бўлим бошлиғи.

Гира-ширада отини боғлаб, энди бостирмадан чиқаётганда ошналарида бири ҳазил билан Валиқулнинг чакмони этагидан маҳкам тутиб, ҳадеганда қўйиб юборавермади.

— Э, Худо, агар шу ердан эсон-омон чиқсам, элга ош берардим, — деди отбоқар довдираб.


Шундан сўнг "ажина" чакмоннинг этагини бўшатди. Орадан бир ҳафта ўтар-ўтмас, чиндан ҳам, Валиқул кишлоқ ахлига худойи оши тарқатди. Лекин тенгқурлари бу воқеани ҳали-хануз аския қилиб айтиб юришади.

Абдулла САИДОВ

АЖАБ ОЛАМ

ОЙНИНГ ЁРУФ ТОМОНИДА НИМА ГАПЛАР?

Ой сатҳига биринчи бўлиб қадам қўйган одам Нил Армстронг эканини яхши биласиз. У ўзининг ҳамроҳи Базз Олдрин билан бирга Ойнинг кичкинагина қисмини ўрганишган, холос. Бунинг ўзига хос сабаби бор. Космонавтларнинг таъкидлашича, Ойнинг ёруф томонида ҳарорат жуда баланд, яъни Целсий шкаласи бўйича 93 даража иссиқ экан. Узоқроқ қолиб кетишса, қўйиб қолишлари ҳам ҳеч гап эмас. Негаки, ўшанда бу ҳароратга скафандрларнинг совутиш тизими қанчалик бардош бериши номаълум эди. "Ойга сафар" миссияси жараёнида скафандрлар ички қисмидан умумий ҳажми катта бўлмаган совуқ сув айланмаси ёрдамида совутилди.



Натижада, НАСА космонавтларнинг Ой сатҳидаги сайри 2 соат 45 дақиқадан ошмаслиги керак деган қарорга келди. Армстронг ва Олдрин Ойда бир қанча экспериментлар ўтказиб, уларни махсус камерада суратга олишлари керак эди. Табиий шароит тақозосига кўра, бу вазифа тўлақоли амалга ошмай қолганди.

Америкалик журналист Роберт Крулвич Армстронг ва Олдринларнинг НАСА томонидан эълон қилинган Ой бўйлаб ҳаракатланиш ҳаритасини ўрганиб, тегишли масштабга муносиб ҳисоблаб чиқди. Натижа шуни кўрсатдики, астронавтар Ой юзасининг 82 метрга яқин қисмини тадқиқ қилишган, холос.

Америкаликларнинг Ойга сафар миссиялари 1969 йилдан 1972 йилгача ўтказиб борилган. Ўшандан бери одамлар Ойга қайтиб боришмади.

Нил Армстронг 1969 йилнинг июлида Ойга парвоз қилган "Аполлон - 11" космик кемасига сардорлик қилган. 21 июлда Нил Ойга илк бор қадам қўйган одам бўлди. Унинг ушбу қадам ҳақидаги мана бу сўзлари тарихда муҳим ибора бўлиб қолди: "Бу - бир одам учун кичик бир қадам, аммо бутун инсоният учун жуда улкан сакрашдир".

Наргиза СИДДИҚОВА тайёрлади.

ҲАЁТИЙ ҲАНГОМАЛАР

Чакмон оши

Отбоқар Валиқул кишлоғидаги тўй ва маросимлардан қолмас, лекин ўзи эл-юртга ош берай демасди. Унинг ҳасислигини қўшни кишлоқдаги кишилар ҳам яхши билишарди.

Валиқул отини кечқурун бостирмага олиб кириб бойлашини билган тенгқурлари бир куни қош қорайиши билан панароқ жойда уни пойлаб ўтиришди.

«Мен ҳам бошқалар қатори холамнинг бахтли бўлишини чин дилдан истаганим боис сизларга хат ёзаяпман. У киши мени ўз фарзандидай яхши кўради. 21 ёшида севган йигитига турмушга чиққан. Қайнонаси ўғлини бошқа бир қариндошининг қизига уйлантирмоқчи бўлган экан. Бу гапни холам тўйдан сўнг эшитган. Келин-куёв яхши яшагача ҳар қанча ҳаракат қилишмасин, барибир қайнонаси, қайнсингиллари қилдан қийик ахтариб, поччамиз ўрта-ларига совуқчилик тушираверган. Холам бечора эса ўзим пиширган ош, ҳеч қачон ота-онамнинг юзини қарга қаратмайман, деб чидаб яшайверган. Онамнинг айтишларича, бир гап поччамнинг ўртоқлари уларниқига меҳмонга келишибди. Ўшанда холам паловни дамлаб, салат тайёрлашга шошилибди. Бир пайт ошхонадан куюк хиди чиқаётганимиш. Бориб қараса, қозоннинг тагидаги газ оловни баландлатилган экан. Қайнонаси боппадамми, деб уйига кириб кетибди. Қозонни тозалаб, ювиб, бошқа овқатга унанагунча меҳмонлар кетиб қолибди. Ўша куни бу қутилмаган воқеадан жадли чиққан поччам холамга қўл кўтарибди. Эртаси куни у ота-онасининг уйига қайтиб кетибди ва кўп вақт ўтмасдан қонуний ажралишибди.

Қайта турмуш қуришга юраги бетмабеган холам ишига қаттиқ берилибди. Баъзан ўйлаб сиқиланган, наҳот, шундай меҳрибон, очик кўнгли, хушрўй аёл дунёдан ёлғиз ўтса. Холам ўз тенгини толиб бахтли бўлишига ишонман.

Ёши 42 да. Маълумоти олий. Фарзанди йўқ. Нуфузли



ташкilotда хизмат қилади. 50 ёшгача бўлган, диёнати, иши тайин, уй-жойли инсон учраса, хабар берсангизлар.

АЗИЗА,
Қашқадарё вилояти».

«Гулбаҳор билан севишиб турмуш қургандик. Кўп ўтмай, икки қизил бўлдик. Ойламнинг тўқис яшаши учун тинмай меҳнат қилардим. Никохдан ўтгач, хотинимга дунёдаги энг бахтли аёллардан бири бўлиб яшайсан, деб сўз бергандим. У гап орасида устамонлик билан баъзан шу гапимни эслатиб туришни унутмасди. Аввалига у нихоятда меҳрибон, уйим-жойим дейдиган аёл эди. Тасодифми, бир хотин билан танишиб опа-сингилдай яқин бўлиб қолганидан кейин жуда тез ўзгара бошлади. Пулга, мол-дунёга ружу қўйди, оиладан, рўзгордан совиб кетди. Йўқ жойдан жанжал қиладиган одак чиқарди.

Мен эса нима бўлса-да шу икки қизимни тирик етим қилмайдин деб чидадим. Лекин у ўз номус-шазинини писанд қилмай қўйгач, охири қонуний ажралишга мажбур бўлдим. Қизларим мен билан қолди. Мана, шунга ҳам ўн йил бўлди. Ҳозир фарзандларимнинг каттаси коллежда, кичиги мактабда ўқийди. Барибир эркак кишининг ёлғиз ўзи оилани бошқаролмас экан. Нихоят, қариндош-уруғлар билан бамаслаҳат келишган ҳолда, қизларим рози бўлгач, уйланишга қарор қилдим. Энди бор уми-

дим сизлардан.
Ёшим 54 да. Маълумотим олий. Буржик балиқ. Ишим тайин, уй-жойим етарли. Ёшимга мос, вафодор, воғга етмаган битта фарзанди, оқ кўнгли аёл учраса, уни бахтли қилмоқчиман.

МИРЗАБЕК,
Тошкент шаҳри».

«Ойшани ойим танлаб, суриштириб, тенг-тенглаб, бўй-бўйлаб келин қилган эди. Бир кўришдаёқ ўзим ҳам уни ёқтириб қолгандим. Эрта баҳорда тўйимиз бўлган. Таниган-билганнинг бизларга жуда ҳаваси келарди. Кетма-кет фарзандларимиз туғилди. Рўзгорга ёрдам бўлсин деб у тикувчилик, тўкувчилик ҳам қиларди. Ўша куни зарур ип олиб келиш учун туман марказига кетаётган машинага чиқиб, йўлда автохалокатга учрабди. Йўловчиларнинг кўпчилиги тан жароҳати олади, Ойшанинг тўрт мучаси соғ эди. Орадан олти ой ўтгач, бошида огрик пайдо бўлиб азоб чека бошлади. Дўхтирларнинг текширув натижаларига кўра, ўша автохалокат пайтида бошига қаттиқ зарб урилгани боис шиш пайдо бўлганидан огрик бераётган экан. Беш йил давомида узлуксиз даволанди. Қарияларнинг «қўша қаринглари», деган дуосида ҳикмат кўп экан. Минг афсуски, бизга шундай бахт на ёрди этмади. Қўлимда жон берди.

Беш фарзандим ҳам ўзидан

тинган. Ҳозирги кунда кичик ўғлим билан яшайман. Келиним очик кўнгли, уddaбурун ва меҳрибон. Невараларим ҳам атрофимда парвона. Хотинимнинг қазо қилганига 9 йил бўлди. Ўша пайт опаларим «Уйлан, ўз кўнглини ўзинг ўйла, эркак одам қийналади», деганида хотинимнинг тупроғи совимай шундай деди деб улардан ноўрин хафа бўлган эканман.

Ёшим 61 да. Нафақадаман. Моддий таъминотим етарли. 55 ёшгача бўлган, қадримга етадиган, ёлғиз аёл учраса, хабар берсангиз.

ҲАКИМБОЙ,
Қорақалпоғистон
Республикаси».

«Кенжам бўлмиш Мастура қизим олти ойлик бўлганида отаси огир хасталикка чалиниб, уч ой ичида қазо қилганди. Уч қизимни бағримга босиб, ҳай-хотдай ҳовлида еган ошимга кўз ёшим қўшилиб қолиб кетдим. Бу ҳаёт деганлари давом этаверар экан. Қизларимни ҳеч қимдан кам қилмай деб тинмай меҳнат қилдим. Уларни оёққа турғаз-

дим. Икки қизимни узатгач, Мастуран ичкўёв бўладиган йигитга турмушга берсам, уйимизнинг чироғи ўчмайди-да, деб ўйладим. Ха деганда ундай йигит учрайвермади. Чиққани бир ишнинг бошини тутмаган, уй-жойимизга қизиқадиганлардан эди. Йиллар оқар сув экан. Қизимнинг ёши ўттиздан ўтгач, ичкўёв деб унинг бахтини боғлабман деб пушаймонлик, армон ўтида қоврилдим. Ёши ўзи билан баравар бир йигит чиққанди. Унаштирдик. Мастура юриб-юриб касалга тегаётганимиш деган мишмиш гап тарқалди. Шамол бўлмаса, дарахтнинг учи қимирламаса, деб суриштириб билсак, йигит огир хасталикка чалинган экан. Фотихани буздик. Шундан сўнг беш йил ўтгач, ишхонасидан бир опасиниқ маслаҳати билан «Ойла ва жамият» газетасига мурожаат қилдик. Худого шукрки, бизга фарғоналик, хотини вафот этган, битта фарзанди бор Нодир деган йигитнинг телефон рақамини беришди. Иккаласи учрашибди. Бир-бирига маъқул бўлиб турмуш қуришди. Энг қизиги, куёвим узоқроқ танишимиз эканини билгач, бошим осмонга етди. Ҳозир катта оила бўлиб бирга яшаймиз. Сизларни ҳар доим дуо қиламан.

МЕҲРИХОН хола,
Фарғона вилояти».

ТАХРИРЯТДАН:

«Бахтли бўлинг» руқнига хат йўллаётган ёки бево-сита мурожаат қилаётган фуқаролар паспорт нусхаси ва яшаш жойидан (маҳалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

МУРОЖААТ УЧУН ТЕЛЕФОН: 234-25-46

Дўмбирани чертган билар...

...Абдусалом десангиз ҳамма танийди. У пенсияга чиққанидан сўнг ота касби — ёғоч устачилиги билан шуғулланди. Отаси Курбонмурод ака омоч, бўйинтурук, уйларнинг хари, ровларини чорпарра қилиб тарашлаб берадиган қўлигил уста бўлган экан. Ер ҳайдаш, уруғ сочиш олдидан омоч, бўйинтурукни шу уста кўрмаса, экишни бошламас экан кишлоқдошлари. Томирида отасининг қони бор-да. Шундай силлиқ, чиройли, корсонлари қўлтиқни тўлдирадиган дўмбира ясайдики, асти кўверинг.

Дўмбирани томоша қилганлар "Отасига раҳмат, устоз кўрган экан", дейди ҳайрат билан. Ишонсангиз, барака топсин, ўзиям шу пайтгача ўттиздан ошқ одамга текинга дўмбира ясаб берди. Оғир меҳнати хисобга олиб, тўн ёпганлар бор, "Раҳмат, уста!" деган гапни унинг қулогига секин айтиб кетганлар ҳам кўп.

Абдусалом ака, сиз ясаган дўмбираларнинг овози жуда баланд, тиник. Бирор-бир сири борми ё? — деб ўсмоқчилаб сўрайман ундан.

— Бу дўмбира Гаффор чолнинг зардолосидан ясалган. Эгасининг кўнгли тоза-да, — ҳазилга йўйиб жавоб беради у. — Лекин Тошнинеэнинг қуриган ўригидан ясалган дўмбиралар яхши чиқмади. Ҳаммасининг овози дўрилдоқ.

Тўрабой деган дўмбира чертувчи, қистайверсангиз халқ дoston-лапарларидан парча, термаларни бахшиёна овозда айтиб берадиган ҳолаваччамиз бор. Ёшлигидан дўмбира чертиб келади. Кўпинча бизнинг Абдусалом уста ясаган дўмбираларни чертиб, баҳосини шу киши беради. Кўв ёғочдан ясалганларини қўлига тутқазсангиз, шундай "тил"га киритиб, нолиш қилдирадими, кўйверасиз. Нағмаларидан завқланасиз, юрагингиз ўртаниб кетади. Йигирма йил дўмбира чертиб, битта куйни қўйиллатиб чалиб беролмайдиганлар бор. Дўмбира куйи ҳам юракдан чиқар экан. Бу юрак деганингизда ҳам сир-синаотлар кўп-да...



Ўзбекистон халқ бахшиши
Бобораҳим МАМАТМУРОДОВ

Онам 86 ёшда. Йилда бир маротаба Тўрабой дўмбирани йўқлаб қолади.

— Бир майиз қирқ кишига етган, болам, — дейди онам. — Тошнинеэ ҳамсонини ҳам айтган гуруннга. Ҳар бир кишининг баҳоси билан бирга ризқ-насибасини ҳам худо бериб турибди.

Она-да. Гапини икки қилолмайман. Бориб айтиб келиш менга оғир туюлади. Нега десангиз, сал бахил, ношукроқ одам. Хуллас, кўпам ёқавермайди. Бу зиёфатга Абдусалом уста ҳам янги ясаган дўмбираларини олиб келади. Тўрабой дўмбирани кўксига босиб, қулоқларини бураб, торларини жўр қилиб, бармоқларини ҳаракатга келтирганида уйда жимжитлик ҳукмрон бўлади. Ўзиям кўлинг дард кўрмагур куйма қилади-я. "Отанга раҳмат!" деб юборганингни билмай қоласан. Неваралар ҳам сел бўлиб, тинглайди.

— Алпомишдан айтинг, болам, — хумор қилади онам. — Бизлар тўққиз, ўн яшар қизалоқ эдик. Шоймардон оқсоқолнинг меҳмонхонасида Фармон бахшининг "Алпомиш"дан айтиб бергани ҳозиргача қулогимдан кетмайди.

— Ҳўп, эна. Бир оғиз сўзингиз, — қўлини кўксига босади Тўрабой. — Ав-

ЎЗЛИК

вал дўмбирани қизитиб олайлик, сўнгра терма, ундан кейин навбат дostonга келади. Сиз бўгчани очиб, тўнни тайёрлатиб қўйинг...

Қуйлар чалиниб, хуморлар босилгач, терма, dostonларга навбат келади. Онамнинг кўнгли нозиклашиб қолган. Ёш боладек сал нарсага кайфияти бузилиб туради. Бизлар ҳам "Алпомиш"ни эшитиб, томоқларимизга ҳасрат текилиб, кўз ёшларимиз халқаланиб қолади. Тун алламаҳал бўлди. Онам Тўрабойга изн беради.

— Барака топинг, болам. Чарчадингиз. Шу ёғи ҳам бўлади. Энди бир пиёла чойдан ичинг.

Озодбек неваря онамни саволга тутди:

— Момо, нега ҳар доим "Алпомиш"дан айттирасиз?

— Алпомишлар кўпайсин, дейман-да, ўғлим. Қара, қандай жасур, паҳлавон, эл-юртини яхши кўрадиган алп. Барчинони кўрднгим, — онам атайин келинларга эшиттириб, овозларини бир баҳя кўтариб гапиради, — чиройли, садоқатли, ибодли, ундан кейин йигитлардай кучи бор... Эрини ҳурмат қиладиган, қайнота-қайнонасини ота-онасидан ҳам ортиқ кўрувчи келин...

Уста Абдусалом эса янги ясаган дўмбирасини Тўрабойга тутқазади.

— Бахши, зардолли ёғочи силлиқ эди. Чиройли дўмбира чиқади, девдим, — менга юзланди уста. — Афсуски, тайёр бўлганда корсонидан ёрилди. Елимладим. — Ўзи, бу ёғочни кимдан олудингиз? сўрайди уста мендан.

Шу пайтда бу саволга мен ҳўялироқ жавоб бера олмасдим. Негаки, Тошнинеэ кўшимизнинг қуриган ўрик дарахтидан икки дўмбиралик ёғоч сотиб олудим-да. Бу дўмбира ана шу ёғочдан ясалган! Тўрабой бахши дўмбирани чертиб кўргач, уста Абдусаломга узатди.

— Кўнгли қора, бахил одамнинг зардолосидан бўлса керак. Овози яхши чиқмаётганидан биллиниб турибди. Бу дўмбирани ўчоққа солиб ёқиб юборинг!

Гап шу ерга етганида Тошнинеэ кўшини туришга рухсат сўради. Шунча мулозamat қилдик, овқатга ўтирмади. Ноқулай аҳволда қолганимни сезиб, Тўрабой секин хиргойини бошлаб юборди...

Турсунбой БОЙМИРОВ,
Қамаши тумани.

АЛЛИЯ ФАОЛИЯТИ

Инсон бахт учун дунёга келади, умид билан яшайди. Лекин бу билан иш битмайди, у орзу-мақсадларига эришиш учун тинимсиз интилиши, ғайрат кўрсатиши, яхшилик қўриши учун эса яхшилик қилиши лозим.

Бахтни саломатликсиз тасаввур этиб бўлмайди, албатта. Шу боис Соҳибқирон Амир Темур бобомиз ўғил уйлантиришдаёқ халқ тўғилажак набиалар соғлигини ўйлаб иш кўрган ва бошқаларни ҳам шунга ундаган. Давлатнинг қудрати соғлом фикрли, билимли, ахлоқ-одобли, Ватан тақдирини учун жонини тикадиган фарзандлар биланлиги Юртбошимиз томонидан ҳам кўп таъкидланган. Мустақиллик йилларида олиб борилаётган сиёсатнинг устувор йўналишлари — аёлларнинг давлат ва жамият қурилишидаги ролини ошириш, оилани ҳар томонлама мустаҳкамлаш, ёшларни қўллаб-қувватлаш, аҳоли саломатлигига эътибор қаратиш борасидаги ишларнинг негизига ҳам айнан шу ғоя ётибди. Зотан, миллат генофондини сақлаш ҳам шундан бошланмайдими?

Ҳаётнинг мазмуни фарзанд билан

Абдурауф Фитрат айтганидек, уйланишдан биринчи мақсад — фарзанддир. Ҳаётнинг мазмуни фарзанд билан. Ҳар бир киши тўқис оила қуришни, соғлом фарзандлар дунёга келтиришни, уларни тўрт мучаси соғ ўстириб, қамолтини кўришни орзу қилади. Агар оила фарзандли бўлиш бахтидан бенасиб қолса ёки ногирон болалар дунёга келса-чи? Бу бахтсизлики биз, аввало, она сифатида, қолаверса, давлатнинг ваколатли органи ходими сифатида ҳеч кимга раво кўрмасдик. Шу боис ҳар бир ёшга ўз тақдирига беэътибор бўлмаслиқни, оила қуриш борасида етти ўлчаб, бир кесиб лозимлигини ўқтирамиз. Ахир, бу ҳақда ҳукуматимиз томонидан қанчадан-қанча хайрли чора-тадбирлар амалга оширила-япти. Уларга амал қилиб яшашнинг ўзи ҳам бизни бир қатор кўнгилсизликлардан асраши шубҳасиз. Хусусан, Вазир-

лар Маҳкамасининг 2003 йил 25 августдаги 365-сонли қарори билан "Никоҳланувчи шахсларни тиббий кўрикдан ўтказиш тўғрисида"ги низоми тасдиқланган. Унга асосан, 2004 йил 1 январдан барча никоҳланувчи шахслар ёшидан, нечанчи никоҳлигидан қатъи назар, тегишли тартибда тиббий кўрикдан ўтишлари ва соғлиқлари ҳақидаги тегишли маълумотномани ФХД бўлимига тақдим этишлари шарт. Шундан сўнггина уларнинг никоҳи қайд қилинади. Оиласининг бахт-саодати, роҳат-фароғатини ўйлаган одам мазкур масалани ҳеч қачон назардан четда қолдирмаслиги зарур.

Хатирян ГАЛИТОВА,
Олмалиқ шаҳар 1-сон давлат
нотариал идора нотариуси.
Турсунбой БОЙТРАЕВА,
Бекобод шаҳар ФХД бўлими
инспектори.

Қуръа ташланди

Бразилиянинг Рио-де-Жанейро шаҳрида футбол бўйича ЖЧ-2014 мусобақаси учун қуръа ташлаш маросими бўлиб ўтди. Осиё қитъасидан бешта гуруҳ вакиллари ўз рақибларини билиб олишди.

Унга қўра, терма жамоамиз Осиё миқёсидаги энг кучли гуруҳдан жой оладиган бўлди. Нисбатан ҳар бир саватчанинг энг кучлиси сифатида эътироф этилган жамоалар Ўзбекистон билан битта «С» гуруҳидан жой олди.

Демак, Ўзбекистон терма жамоаси Япония, Сурия ва Шимолий Корея терма жамоалари билан бир гуруҳда ўйнайдиган бўлди. Сўнгги жаҳон чемпионатининг икки қатнашчиси ва Осиё Кубогида ўзини кўрсата олган терма жамоаларга қарши учрашувларда жамоамизга осон бўлмаслиги аниқ.

Боксчиларимиз 4-ўринда

Жорий йилнинг 20-31 июль кунлари Қозоғистоннинг Остона шаҳрида бокс бўйича 15-16 ёшли ўсмирлар ўртасида ўтказилган жаҳон чемпионатига Ўзбекистон ўсмирлар терма жамоаси иккинчи ўринни эгаллади.

Бу галги жаҳон чемпионатига қирқдан зиёд мамлакатдан уч юз нафарга яқин боксчи ўн уч вазн тоифасида рингга чиқди. Жорий йилнинг энг нуфузли мусобақаларидан ҳисобланган мазкур спорт анжуманида терма жамоамиз аъзолари — Ойбек Шарипов ва Алиёр Норалиев олтин, Исроил Мадримов кумуш, Улуғбек Абдуқаюмов ва Акбаржон Мелизиев ўз вазн тоифасида бронза медал билан тақдирланди.

Умуман, 2001-2011 йиллар давоми-



да АИБА томонидан ўсмирлар ўртасида ўтказилган жаҳон чемпионатларида ҳамюртларимиз саккиз олтин, ўн кумуш ва ўн беш бронза, жами 33 медал жамғариб, терма жамоамиз дунёдаги энг кучли тўрт жамоадан бирига айланди.

«Анжи»да таниқли футболчилар

Махачкаланинг "Анжи" клуби Лондоннинг "Челси" клуби ярим ҳимоячиси Юрий Жирковни ўз сафига қўшиб олганидан сўнг, Германиянинг "Бавария" клуби ва Украина терма жамоалари таянч ярим ҳимоячиси Анатолий Тимощукни ҳам сотиб олишни кўзлаб турибди. Бу ҳақда Россиядаги "Советский спорт" нашри хабар таркатган.

Номини юқорида келтирилган нашр томонидан таъкидланганича, "Анжи" клуби бундан аввал ҳам Анатолий Тимощукка тақдир қилган экан. 32 ёшли украинлик ярим ҳимоячининг "Бавария" клуби билан тузган шартномаси бир йил ўтгач яқинига етади.

Интернет манбалари асосида
Илҳом ЖУМАНОВ тайёрлади.

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия жамғармаси

Тахририятга келган қўл ёзма ва муаллифларга қайтарилмайди. Реклама материаллари мазмуни учун тахририят жавобгар эмас.

«Шарк» нашриёт-матбаа акциядорлик компанияси босмахонасида chop этилди. Тошкент. Буюк Тўрон кўчаси, 41-уй. Босишга топшириш вақти — 15:00. Босишга топширилди — 15:00.

E-mail: oilavajamiyat@sarkor.uz

ISSN 2010-7609



Бош муҳаррир:
Норқобил ЖАЛИЛОВ

Қабулхона: (тел/факс) 233-28-20
Котибият: 237-21-82
Мухбирлар: 233-04-50
«Оила» бўлими: 234-25-46

МАНЗИЛИМИЗ: Тошкент — 100000. Амир Темур кўчаси
1-тор кўча, 2-уй. Мўлжал: Олой бозори ёнида

ОБУНА ИНДЕКСИ — 176

Ўзбекистон Матбуот ва ахборот агентлигида 0169-рақам билан 11.01.07 да рўйхатга олинган. Буюртма Г — 828. Формати А-3, ҳажми 2 табоқ. Адади — 7907. Баҳоси келишилган нархда. Навбатчи муҳаррир — Фаррух ЖАББОРОВ Саҳифаловчи — Оқил РАҲМОНОВ Мусахҳушлар — Саидгани САЙДАЛИМОВ, Мафтуна МИНГБОВЕВА

Web-site: oilavajamiyat.uz

1 2 3 5